

1105
251

經3·0
8.947



敘發見出書卷中云錢君讀此書不至武何皆西

韻藏書

星術既與錢君同客陝西撫院時又同為地理之學其讀一書
有所知必相告亦多如其意所欲出一日錢君讀張守節所稱
晉地道記飛狐岌之說告星術曰予始知爾雅釋山之皆山名
小山岌大山岷之即飛狐岌與恒山也于是注釋地以下四篇
閱三月成屬星行為之敘敘曰釋地以下四篇皆禹所名周公
之所述也張揖上廣雅表言周公著爾雅一篇今俗所傳三篇
爾雅或言仲尼所增云云揖意蓋言古本爾雅合釋詁以下為
三篇後儒附以傳注廣為三篇云三篇者即藝文志之三卷是
余益九篇皆有周公之說也釋詁等十九篇之名蓋後儒所分
陸德明乃以釋詁篇為周公所作釋言以下為仲尼等所增疑

其誤會張揖一篇之義古者聖人下虛作黃帝正名百物禹與伯益主命山川尙書亦言奠高山大川孔鄭訓奠爲定定言定名其名存諸尙書山海經其義存諸釋地諸篇也古人之書特多經傳相亂今自釋地以下四篇考其文義釋地九州當是經十藪當是傳錢君以周禮九藪此云十藪又陽華屬秦疑是後人所益星衍亦案文云鄭有圃田圃田在今開封府中牟縣此新鄭也宗周之滅鄭遷于溱洧圃田屬鄭亦春秋時語矣八陵九府五方野四極當是經釋邱三成爲敦邱以下當是經陳有宛邱以下當是傳釋山河南華以下當是經泰山爲東嶽以下當是傳釋水有云正出涌出也縣出下出也穴出仄出也河水清且瀾漪以下十八字濟有深涉以下三十九字汎汎揚舟以下三十三字云四瀆者發原注海者也云從釋地已下至九河皆禹所名也皆當是

傳且案釋詁之文亦有黃髮鬣齒謔浪笑敖之類直釋詩辭何得盡云周公所作也是知釋詁一篇非無孔下所增釋言以下皆有周公之說矣釋地諸篇之義既古其所釋皆是夏書山海經之山而郭李舍人僅隨義解釋不審所在郭璞注山大而高崧云今中嶽嵩高山蓋依此爲名亦未知其卽釋嵩山也可不惑與錢君既知崧之爲飛狐崧岷之爲恒山旁通其類以說河南華以下諸山信非古人之所及已又諸經之文惟爾雅最多俗字陸德明言豈必飛禽卽須安鳥水族便應著魚蟲屬要作虫旁草類皆從兩山若此之類實繁有徒是以不合于篆文不登乎許氏星衍嘗校其謬誤去其十五今以錢君之例証之山大而高崧卽嵩山知崧當爲崇也國語崇山卽嵩山銳而高嶠卽橋山

知嶠當爲橋也小而眾歸卽歸山知歸當爲歸也又以加陵爲卽柯陵祝栗爲卽涿鹿深通古人假音之義星衍嘗病山左右有岸屈屈字不合六書而唐石經五經文字皆有其形據廣韻二十七合有厓字云山左右有岸乃知是厓之寫爲厓又譌爲厓也又疑傲畧卽春秋傳敖郟之類君皆有取焉君注解質核有賈逵高誘之風漢以下無以擬也今世注爾雅者有君家詹事君邵編修二雲江布衣叔澣星衍亦嘗爲爾雅正俗字考又注釋詁以下諸篇依叔言及舍人之例字以本義爲釋然君所獨到不能掩也孫星衍撰

皇清經解續編卷二百十五

南菁書院

爾雅釋地四篇注

嘉定錢坫獻之著

竊聞大河橫流神禹績用東西南朔舟肆鳩楫無遠弗届據形製名前聖所隆遵其位號缺而弗及則皆因地以著焉然山經記載祇以身所過越區其程涂雖坳山小水罔或遺之循名課義略不致意釋地者聖人所以不能無作也夫知地者智知幾者神形氣首尾少窺祕妙各土異性隨方殊尙亦如言語之不通日用之弗協聖人因宜述其稱謂既定厥誼用昭竹帛坳行之學夙亦未諭壯歲則歷齊魯叩止

上京不四三年又越衛周通乎秦晉頗知以今證昔每遇坳垣敗址延領嘻吁想慕前人之遺蹟矣夫名者實之徵古人之言

何嘗虛造率以鄙見就所遐瞻括成卷冊媿非孫樊所及道郭君所及推附于諸家之後儻不以異義置之耶時有陽湖孫君星衍指余曰如君所臨殆得禹周二聖微指歟因記所由成以告來者乾隆四十有六年九月一日錢坫述

釋地
兩河閒曰冀州

河行陝西山西兩省閒至潼關以下始折而東過孟津又東北入海州以東西兩河為界故曰兩河閒冀之言異北方州故字從北

河南曰豫州

自華以東居河之南豫之言舒河至是行平舒也

河西曰邕州

在河華以西四山之中故曰邕邕之言翳四方積高應劭所

言
漢南曰荊州

在江漢二水之南漢水入江之地即荆揚之界荆亦取名于山矣

江南曰揚州

在江之南東倚大海州界多水故曰揚

沛河閒曰沅州

在河水之南沛水之北沛即沅故取水以為名許慎言九州之握地矣

泲東曰徐州

自泲岱以東南漸于海周禮青州之地也

燕曰幽州

居冀州之東營州之北南有郭海幽州以此名

齊曰營州

自岱山以東北泲水以南周禮青州之東北境也

九州

李巡曰殷制

魯有大野

泲水所匯也在今曹州府鉅野縣東漢時亦謂之廣野高帝封酈食其為廣野君韋昭以為此縣也何承天曰鉅野南通

洙泗北接清泲元末河水衝決澤遂枯涸

晉有大陸

漳水所匯也在今順德府鉅鹿縣北鄭康成謂之廣河澤高

誘亦曰廣阿也司馬彪曰故大鹿隨圖經又曰大阿依史記

義堯納舜於大麓亦即此

秦有楊陁

河水所匯也在今同州府華陰縣南依字應作陽華呂不韋

書秦有陽華是也書字或以陽為揚以華為紆又為汧其為

未盱者非也山海經從極之淵維馮夷恆都焉揚汧之山河出

其中凌門之山河出其中姑案馮夷實縣之潼鄉人故孫君

欲以凌門為龍門揚汧山為即陽華不必遠求之域外矣郭

璞曰在扶風汧縣西坵又案在汧縣西者為弦蒲藪周禮澤藪邕州曰弦蒲冀州曰揚紆非此也

宋有孟諸

荷澤水所被也在今歸德府虞城縣西北禹貢作孟豬周禮作望諸史記作明都漢書作盟諸澤周回五十里元時河水衝決遂廢

楚有雲夢

江水所溢也漢書地理志南郡華容縣有雲夢澤編縣江夏郡西陵縣並有雲夢官華容今荊州府石首監利二縣也編今安陸府荊門州也西陵今黃州府黃岡蘄水二縣及蘄州之境也又有雲杜縣今安陸府京山縣也國語曰楚有澤藪

雲連徒州徒即杜矣郭璞曰今巴邱湖今蘄水縣有巴湖鎮巡檢司即其地司馬相如曰澤方八九百里

吳越之間有具區

漢書具區古文以為震澤跨今常州蘇州湖州嘉興四府之境即太湖也周禮揚州澤藪曰具區浸曰五湖枝分有五湖合為一湖也越紐曰湖周三萬六千頃

齊有海隅

齊地在郭海之南凡濱于海者皆曰海隅一曰淮南王書申池在海隅者是也

燕有昭餘祁

汾水所匯也在今太原府文水縣東北今有猷水或以為是

矣漢書鄠縣九澤在北酈道元曰汾水于鄠縣左迤爲鄠澤其陂東西四里南北十餘里呂氏春秋謂之大昭又名之爲漚夷之澤侯甲水發原祁縣逕太谷謂之太谷水自縣連延西接鄠澤是謂祁藪據之是鄠澤曰昭祁澤曰祁連昭及祁曰昭餘祁矣漚夷川之名非此

鄭有圃田

在今開封府中牟縣西北詩曰甫艸

周有焦護

涇水所溢也在今西安府涇陽縣西北舊有瓠中俗稱之洪

口

十藪

周禮有九藪此云十者蓋後人所益陽華屬秦非春秋之事矣

東陵汎

禹貢導江過九江至于東陵漢志廬江郡金蘭西北有東陵

鄉

南陵息慎

西陵威夷

漢之右扶風郁夷縣也史記黃帝居軒轅之邱而娶西陵之女今軒轅邱在秦州清水縣東郁夷則在鳳翔府隴州之西薛君韓詩章句曰郁夷險也據之則亦隴坂之稱威讀如郁

中陵朱滕

北陵西隄鴈門是也

穆天子傳天子絕隄之關隘又史記趙世家有先俞徐廣以爲卽西隄先讀爲西古聲也或曰西隄句注山今山在代州之西鴈門山在代州東北

陵莫大於加陵

應邵風俗通曰國語單子會晉厲公于加陵地案春秋傳作柯陵加柯聲之同

梁莫大於昊梁

酈道元曰昊水出原城西北原山東注於河今懷慶府濟原縣是其地

墳莫大於河濱

今蒲州府榮河縣是其地漢之汾陰睢也有后土祠注水經曰長阜背汾帶河長四五里廣二里餘高十丈

八陵

楊泉物理論曰地者鎮之以五岳積之以八陵

東方之美者有醫無閭之珣玞琪焉亦華州西南少華山五華漢書遼東郡有無慮縣屈原賦謂之微閭在今錦州府廣寧縣之北珣玞琪玉名許慎曰周書所謂夷玉也珣讀若宣秦刻石曰吉玉宣璧

東南之美者有會稽之竹箭焉

山在今紹興府會稽縣東南本苗山禹名之曰會稽也禹貢揚州貢竹箭

南方之美者有梁山之犀象焉

梁州之山也今犀象出交廣滇南諸徼彼人捕得爭食其肉

云肥堪作炙

西南之美者有華山之金石焉

山在今同州府華陰縣南山海經曰少華山其陰多磬石其

陽多璵珉之玉又陶宏景曰華山生陵石俱不言出金山海

經又曰英山其陽多赤金今英山在華州西南少華山在華

州南與華山皆連麓

西方之美者有霍山之多珠玉焉

山在今霍州東南禹貢之太岳也高誘曰出夜光之珠五色

之玉

西北之美者有昆侖虛之璆琳琅玕焉

王肅曰昆侖在臨羌西禹貢雍州貢璆琳琅玕李巡曰璆琳

美玉許慎曰琅玕似珠者周書有天璆鄭康成謂玉色如天

南者之稱神農本艸經云青琅玕一曰石珠蜀都賦謂青珠黃

環亦是也

北方之美者有幽都之筋角焉

高誘曰古之幽都在鴈門以北其地宜牛羊馬出好筋角可

東以為弓弩

東北之美者有斥山之文皮焉

高誘曰文皮虎豹之皮傳曰無終子使孟樂因魏莊子納虎

豹之皮請和諸戎是也斥鹵之地亦取以名山矣

中有岱岳與其五穀魚鹽生焉

今泰安府北泰山是也齊有魚鹽之利

九府

東方有比目魚焉不比不行其名謂之鰈

依字應作鰈上林賦所謂虛鰈是也又韓詩曰東海之魚名

比曰鰈比目而行不相得不能達鰈者魚目恒不閉故老無妻

者之目鰈鰈然又為一目之稱然則鰈鰈同物歟

南方有比翼鳥焉不比不飛其名謂之鸚鵡

王會曰巴人以比翼鳥

西方有比肩獸焉與邛邛距虛比為邛邛距虛齧甘艸即有難

邛邛距虛負而走其名謂之廢

邛依字當為蛩呂不韋及說苑竝云北方獸唯韓詩外傳與

大此同王會有獨鹿邛邛孤竹距虛服虔曰獨鹿山名在涿郡

涇縣北今為保定府涑水縣也今永平府遷安縣即孤竹地

北方有比肩民焉迭食而迭望

山海經之異臂民也

中有枳首蛇焉

孫炎枳作枝云蛇有枝首者名曰率然孫子曰一身而兩頭

擊其一頭則一頭至擊其中則兩頭俱至

此四方中國之異氣也

五方

邑外謂之郊郊外謂之牧牧外謂之野野外謂之林林外謂之

坳

詩毛傳說文解字竝云邑外謂之郊郊外謂之野野外謂之林林外謂之坳無謂之牧句距國百里曰郊牧即毋七十里地不應更在郊外毛許說是李巡本作郊外謂之田云田敕也謂敕列種穀之處王祿素問注按爾雅邑外謂之郊郊外謂之甸甸外謂之牧牧外謂之林林外謂之坳坳外謂之野甸即田字是與李本或同

下溼曰隰

京相璠曰懷縣西南有隰城今懷慶府武陟縣地

大野曰平

亦鉅野也

廣平曰原

依字當為遼禹貢有東原太原東原今泰安府東平州也太

原亦為府

高平曰陸

魏哀王改向曰高平北山經有陸山在高是山北三百里

大陸曰阜

亦鉅鹿也說文解字曰阜山無石者春秋傳文公十六年吳

伐楚至于阜山在今鄖陽府房縣南五十里

大阜曰陵

薛君韓詩章句曰四平曰陵秦名天子冢曰山漢改曰陵春

秋傳曰嶠有二陵

大陵曰阿

春秋傳鄭厲公獲傅瑕于大陵史記趙肅侯遊于大陵說文解字阿一曰曲阜案皇甫謐以曲阜為偃地是偃之言阿

可食者曰原

坡者曰阪

隴阪在今鳳翔府隴州西詩秦風阪有漆是也其阪九回不知高幾許欲上者七日乃得越

下者曰溼

田一歲曰蓄二歲曰新田三歲曰畬

鄭康成注坊記作二歲曰畬三歲曰新田虞翻說易同鄭李巡曰新成柔田也柔讀如鄭地畷之畷

野

東至於泰遠

西至於邠國

許慎曰汎國汎西極之水也夏革曰朕西行至邠人民猶是以是知四極之不異蓋亦謂此金史地理志新平縣有潘水

古聲潘汎同疑即汎水矣今人云三水縣有河原出石門山

逕邠州西南入涇

南至於濮鉛

王會伊尹曰正南百濮又卜人以丹砂濮即卜云鉛者以丹

砂與

北至於祝栗

皇清經解經義
即涿鹿同也古聲相近

謂之四極

極中也

觚竹

觚與孤同今遷安縣即漢令支縣也有孤竹城

北戶

司馬遷說秦始皇地南至北向戶北即日南郡也吳都賦曰

開北戶以向日

西王母

韓詩曰禹學于西王母國漢書金城臨羌有西王母石室僊

海鹽池在今肅州西南

日下

日出于東方故東字從木從日木乘木也淮南王書東方曰

乘野東極之山曰開明之門亦是也

謂之四荒

大荒廣也

九夷八狄七戎六蠻

周禮四夷六狄五夷八蠻明堂位九夷五狄六戎八蠻並異

東也

謂之四海

海晦也

距齊州以南戴日為丹穴

南山經有丹穴之山

北戴斗極為空桐

今順天府薊州東北有空桐山

東至日所出為太平西至日所入為太蒙

天問說日出自湯谷次于蒙汜湯谷即虞書之暘谷蒙汜王

逸以為蒙水之汜亦曰昧谷矣

太平之人仁丹穴之人智大蒙之人信空桐之人武

四極

釋邱

邱一成為頓邱

今大名府清豐縣是其地闕駟曰在淇水南

再成為陶邱

今曹州府定陶縣是其地堯居之故曰陶唐氏墨子以為金

邱也

再成銳上為融邱

三成為昆侖邱

許慎曰昆侖虛謂之昆侖邱

如乘者乘邱

今曹州府春秋傳所云敗宋師于乘邱者是也漢為乘氏縣

徐廣曰乘一作媵

如階者階邱

許慎曰水中高者也今陳州府西華縣有階邱即宋華氏邑

水潦所止泥邱

依字當作泥說文解字反頂受水邱也今在兗州府曲阜縣

東南

方邱胡邱

絕高為之京

九原亦曰九京也北山經有京山在孟門山東南五百二十

里

非人為之邱

許慎曰從北從一一地也人居在邱南故從北中邦之居在

昆侖東南

水潦所還埒邱

許慎曰埒庫垣也故水潦還之

上正章邱

澤中有邱都邱

義與階邱同恐是附益之言矣

當涂梧邱

說苑齊景公田于梧邱亦曰五丈夫之邱也在今青州府益

都縣

涂出其右而還之畫邱

畫中在臨淄城東十八里孟子去齊所宿之地又有畫邑人

王濁

涂出其前戴邱

劉熙載為載故戴國今歸德府考城縣是

涂出其後昌邱

春秋傳有昌衍即昌平也在今曲阜縣東南八十里李奇曰

山阪曰衍

水出其前涓邱

劉熙涓為阯說文解字涓少減也一曰水門五今青州故益

水出其後沮邱

劉熙沮為阻京相璠曰濮陽縣西南十五里有沮邱城今為

曹州府濮州地

水出其右正邱

劉熙正為止

水出其左營邱之祖一說負隨曰涇涇管有涇水再如管矣

祖今青州府臨淄縣是其地齊太公受封于此班固一說在營

陵映視五矣

如覆敦者敦邱今刺州臨邑其世王烈曰薄於平瀨復示曰今

敦亦讀為燾燾覆也

邈迤沙邱同嶧鳴詩邈邈國記出五今泰安州東回嶧

在今順德府鉅鹿縣東北紂所作沙邱臺在此

左高咸邱哀公幾于刻刈

在今鉅野縣西即春秋之故地矣

右高臨邱楚隱與外澤臨也

晉邑有臨見春秋傳

爾雅釋地四篇注

前高旄邱

應劭作整劉熙作髦衛地

後高陵邱

史記魯哀公遊于陵阪

偏高阿邱

春秋之阿澤卽詩所謂阿邱也在今泰安府東阿縣

宛中宛邱

韓詩曰韞邱今陳州府是其地王隱曰漸欲平酈道元曰今

不知所在此矣

邱背有邱爲負邱

一說負讀曰邳邱背有邱亦再成者矣

左澤定邱

定讀如星定說文解字有疋邱疑卽是

右陵泰邱

宋有泰邱社

如畝畝邱

詩巷伯有畝邱蓋當時有之

如陵陵邱

邱上有邱爲宛邱陳有宛邱晉有潛邱

今在太原府太原縣

淮南有州犁邱

天今鳳陽府壽州古州來國犁讀曰來古聲也

天下有名邱五其三在河南其二在河北

邱南有邱

望厓洒而高岸大原

洒高峻也詩新臺有洒韓岸門在潁川長社縣魏王泰曰今

名西武亭

夷上洒下不濬

濬水濶也

隩隈厓內為隩外為隈

隩淇隩隈芮隈詩所云淇澳芮鞠也鞠漢書又作阮泉原水

東南入淇謂之淇隩芮水東南入涇謂之芮隈

畢堂牆

今西安府咸陽縣有畢陌古程邑也孟子所云畢郢

重厓岸鳳嶽州州東青吳山古文以重厓山

岸止濬

依字當為濬周書濬山也

墳大防

依字當為坊讀如蘇林音馬坊叱之坊坊竝也齊長城名防

門今泰安府平陰縣是其地趙長城名汾門今保定府新城

縣是其地

涘為厓涘北流出于涇今東北流于涇涘水名

窮瀆汜汜水木澗汜也汜谷汜谷

谷汜讀如已水在定陶

爾雅釋地四篇注

谷者激水出谷

酈道元注水經作通谷者微微激同字山海經松梁之山灌
水出焉北流注于渭今東北注于河謂之潼水亦名通谷水
也涇潼關城中

厓岸今泰安州平劍淵以其淵出

釋山字當然世謂此山音謂然如之

河南華

依字當為萼周禮豫州山也

河西嶽

重今在鳳翔府隴州漢書吳山古文以為汧山

河東岱文似氣

今在泰安府北

河北恆太谷之首曰恒山今晉州

今在定州曲陽縣

江南衡文似

今在衡州府衡陽縣北

山三襲陟於途而高

再成英西楚之山

西山經有英山在太華山西二百二十里即華州西南山也

一成坏高岑

大坏山在今衛輝府濬縣東國語曰主芼醜醜大醜即密山

也芼通于坏

山大而高崧

依字當為崇或作嵩者亦非也在今河南府登封縣北

山小而高岑

銳而長橋

黃帝所葬之山在今慶陽府合水縣西或以為在鄜州者非

山今書或作銳而高嶠劉熙不然也

卑而大扈

今西安府鄠縣有扈谷夏同姓侯國也王逸以為澆國名

小而眾歸

歸山海經太行之首曰歸山今書或作歸者誤

小山岌夫山恆北

今書恆為岷非也依字岌應為馭晉書地道記恆山北行四

百五十里得恆山岌號飛狐口在今保定府廣昌縣北如涪

誤以為是上黨壺關矣

屬者嶧

秦刻石作繹在今兗州府嶧縣

獨者蜀

未今兗州府汶上縣西南四十里有蜀山春秋之蜀亭也下有

蜀山湖與南旺湖相屬

止正章

禹貢內方亦曰章山在今安陸府鍾祥縣西

宛申隆

是書經

爾雅釋地四篇注

春秋傳成公二年齊圍龍史記作隆劉德曰魯北有隆山在
今泰安府城西南山

山脊岡

山海經剛山洛水出又春秋傳楚用蔡隱太子于岡山

未及上翠微

翠讀如崔微讀如魏亦言其高也

山頂冢

蟠冢山以此名之山海經凡大山皆曰冢

卒者屢屨

詩漸漸之石維其卒矣鄭康成以為卒者崔嵬謂山顛之末
是古卒卒及屢屨崔嵬字皆通今西安府曲陽縣北有慈峨

山漢書以為截薛山是矣

山如堂者密

中山經有密山即大隗山也在今禹州密縣又南山經有堂

庭之山即所謂如堂者歟

如防者盛

郊祀志有盛山在今登州府文登縣南盛山斗入海故曰如

防史記作成

巒山墮

許慎曰巒山小而銳墮山之墮墮者又曰巴蜀山名岸脇之
有箸欲落墮者曰氏然則墮即是歟

重巖隙

左右有岸厓

今書作厓非是孫君曰厓之誤為厓也見廣韻厓讀如欽古
肴坂亦曰岑崆在今河南府永甯縣北

大山宮小山霍

小山別大山鮮

劉熙鮮為獻云獻獸也是毛詩陟則在獻復降在原作獻度
其鮮原作鮮鮮借字獻別字今西安府咸陽縣東有鮮原又
齊地有獻即宋敗齊師之處

山絕陁

穆天子傳作鉞山漢書曰即井陘山也今真定府井陘縣是
其地

多小石礧

依字當為礧書作礧毛詩作敖史記作礧敖省字礧別字礧
借字滎陽敖倉在今開封府河陰縣西

多大石礧

依字當為礧書讀曰部春秋傳晉師在敖鄆之間是也
多艸木帖無艸木咳

咳當為呷毛詩說文解字竝云有艸木呷無艸木帖王肅劉
熙與今書同雅異本與徐堅案詩終南何有有呷有堂堂山
之如堂者呷即此今疑安姑無出之亦疑水土承

山上有水埒說文曰水自出為泉故案隴說云曰水自出
夏有水冬無水泉土音天共夏音水冬無水將音曰泉

中山經視山其上有天井夏有水冬無水孫君曰梁讀爲鎬
即鎬池也廣雅曰水自渭出爲梁姑案酈道元曰渭水自長
安縣北分爲三水今長安故城北渭無別出之流鎬水上承
鎬池北注渭水渭出之說或張揖非矣酈道元曰有堂山
山嶺無所通谿音文雅字或云音帳木強無帳木胡王肅陰
石戴土謂之崔嵬土戴石爲砮

依字當爲岨毛詩釋名並云土戴石曰崔嵬石戴土曰砮亦

雅異本

山夾水澗音澗水在河南府西

宏農澗水在今河南府西

陵夾水澗

山有穴爲岫

籀文岫字從穴作宿

山西曰夕陽山東曰朝陽

詩度其夕陽于彼朝陽皆山名也後世失之又山海經有朝

陽之谷

泰山爲東嶽華山爲西嶽霍山爲南嶽恆山爲北嶽嵩高爲中

嶽

梁山晉望也

在同州府韓城縣西北

釋水

泉一見一否爲澱

井一有水一無水為瀾洑

今歸德府甯陵縣南二十五里有洑陵城春秋時為宋邑

濫泉正出正出涌出也

西山經有濫水出鳥鼠同穴山西今謂之溫水涌水自夏口

南通于江春秋傳閭敖游涌而逸者也在荊州府監利縣西

秦今日涌口又北山經歧踵之山有水廣員四十里皆涌毛詩

濫為檻

沃泉縣出縣出下出也

毛詩下泉泉下流也漢書五原有臨沃縣酈道元所謂中陵

水東北流謂之沃水者也

沈泉穴出穴出仄出也

許慎作屠云讀若軌南方人謂瀨水為究究即屠矣

溪闡流川

過辨回川

水經有洞過水出沾縣北山魏書地形志曰同過以五水異

出同歸為名然則辨讀如別在今平定州西南又詩過澗在

今邠州

灘反入

上承河水復注於河之稱之水矣水亦一泉一出博州

潭沙出

古之灘字也

汧出不流

皇青經解讀扁

爾雅釋地四篇注

今鳳翔府西南汧山汧水出焉積爲弦蒲藪

歸異出同流肥

肥水在衛酈道元曰馬溝水東南注淇水爲肥泉也博物志謂之澳水亦詩所謂泉原之水矣水有二原一出朝歌城西北東南流與左水合左水謂之馬溝水出朝歌城北異出同流之謂也在今衛輝府淇縣

漢大出尾下

酈道元曰郟陽城北有漢水又城南有漢水又汾陰縣有漢水出縣南四十里西去河三里平地開原澆泉上涌大幾如輪深則不測俗呼之爲漢魁古人壅其流以爲陂水種稻東西二百步南北百餘步與郟陽漢水夾河河中渚上有一漢

水皆潛相通此皆在今郟陽縣境又史記有汾門魏王泰曰徐水出廣昌鎮流至北平縣東南歷石門中俗謂之龍門道元又曰易水又東逕新城縣北俗謂之武隧津津北對長城門謂之汾門史記趙世家與燕易土以汾門與燕卽此也又謂之梁門矣此在今保定府新城縣境古冀與分通孟子百畝之糞禮記作汾故漢亦謂之汾矣又春秋傳叔弓敗莒師于蚡泉公羊氏作瀆泉云瀆泉直出亦漢水也道元又云河水南合孔谿口水出孔山山之上有一穴如車輪三所東西相當相去各二丈許南北直通山在蒲城西南三十餘里亦漢

水也

水醮曰屬

皇清經解讀編

爾雅釋地四篇注

三

水許慎作沈

水自河出為澗

禹貢之澗水在今曹州府荷澤縣魏王泰曰在雷澤西北平地許慎河澗水在宋者注水經云昔大禹塞其淫水而于滎陽下引河東南以通淮泗河渠書所謂通宋鄭陳蔡曹衛與沛汝淮泗合即鴻溝是也此自河出之水矣
沛為澗 古無澗字故沛出亦無澗水字之誤也應為滎禹貢滎播鄭康成注沈水溢出所為澤也沈溢為滎即沛為滎矣是于字滎形近楚又加水旁而誤耳而酈道元不察以定陶之汜水當之矣播說文解字為潘

汶為澗 依字當為闡出泰山萊蕪縣原山之汶水也京相璠曰剛縣西四十里有闡亭呂忱曰汶水上承汶水于剛縣西闡亭東然則闡即汶水矣汶水注于洙在今兗州府甯陽縣東北三十里

洛為波

出宏農上洛縣冢領山之洛水也酈道元謂門水為波波入于河中山經陽華之山門水出焉而東北流注于河門水出于河七百九十里入洛水與酈說正相反今商州及雒南縣無洛別之流疑此已漚

漢為潛

史記爲涿古聲同字通也漢書巴郡宕渠縣有潛水西南入江酈道元曰潛蓋漢水枝分潛出故受其稱耳宕渠今保寧府蒼溪縣鄭康成曰漢別爲潛未聞象類亦有所不照矣

淮爲許

中山縣華之山門水出流而東北流于河門水出

古字亦爲許游水也淮水于淮浦縣枝分北爲游水東北入

海今海州及贛榆縣是其地

江爲沱

漢書蜀郡郫縣江沱在西東入大江汶江縣江沱在西南東入江南郡枝江縣江沱出西東入江鄭康成曰南郡枝江沱水其尾入江耳首不于江出也華容有夏水首受江尾入沔此所謂沱也又曰蜀郡郫縣江沱亦尾入江江原有郫江首

受江南至犍爲武陽入江豈沱之類與今郫縣江沱亦名郫江在成都府郫縣北枝江江沱在荊州府枝江縣西枝江江沱在成都府新繁縣西北禹貢汶山導江東別爲沱說者以爲此水也夏水在今荊州府監利縣東南所謂魯泚江卽夏水矣郫江在今城都府灌縣境

過爲洵

此水也爲首

攷注水經過水唯于苦縣西南分爲二水枝流東北注于賴城入谷謂之死過恐非此洵也班固許慎並云過水首受淮陽扶溝浪湯渠東入淮過爲洵者其渠爲過與

潁爲沙

注水經曰潁水自潁強縣西注小潁水出焉以是爲沙水也

案許慎曰楚東有沙水應卽是而莫知其處矣今灑水在陳州府商水縣

汝爲瀆

注水經曰汝水自定陵縣北瀆水出焉世謂之大灑水瀆灑聲相近晉地道記女陰縣有陶邱鄉詩所謂汝瀆矣說文解字引此作汝爲涓

水決之澤爲汧

亦弦蒲澤也弦汧聲同

決復入爲汜

詩江有汜注水經云江水又東逕汜谿口蓋江汜決入也說文解字引此作涇今開封府有汜水縣水在縣西卽中山經

天所謂出浮戲之山北流注于河者非此也

河水清且瀾瀾大波爲瀾小波爲淪直波爲徑

經釋名作涇今出平涼府西北瀾卽漣漣水出長沙府北山經有淪山淪水出淪與淪通

江有沱河有灘汝有瀆兼韓詩曰云之兼矣一猶用灑水爲水

灑水匡

字亦應爲許也以上爲灑灑類以下爲灑灑類以上爲灑灑類水艸交爲涓其類特昏猶韓詩新韓美爲極報文鳴手蓬矣

注水經曰沛水東北與涓溝合水正承涓湖北流注沛應在

今濟南府長清縣南五十里余附補古國字補之言梁昭明

濟有深涉深則厲淺則揭揭者揭衣也此所請也谷戰于阿上

注谷曰溝鳴谷水也今成州城東南

注溝曰澮國此有發泉也今成州南

水水出霍山西南入汾今在平陽府

注澮曰澮水澮水也澮水也澮水也

逆流而上曰溯澮順流而下曰溯游正絕流曰亂

江淮河沛為四瀆四瀆者發原注海者也

江淮河沛皆四瀆之別名也

水中可居曰州

詩鼓鐘淮有三州毛傳曰淮上地

小州曰渚古文欵非也

今書作階非也渚水出常山

小注曰坻之水也

坻釋名作泚泚水出常山今在順德府唐山縣西

人所為為澆

中山經有滴水今在平陽府浮山縣龍角山北流注于汾又

西安府城南有滴水且直隸北地也

水中至靈關東行春水

河出昆侖虛色白東南行又

孫君曰屈原賦朝吾將濟夫白水謂河也春秋傳有如白水

所渠并千七百世洲色黃

水所居曰渠里一曲一節

百里一小曲千里一曲一直

河自析支之地屈而東北流故析支羌謂之河曲羌千里至
今蘭州府折而北行又千里至高關塞折而東行自高關東
至陰山三百里東南行又七百里為榆林塞折而南行又千
里至潼關東行春秋傳秦晉戰于河曲此地也又千里至宿
胥口魏詩曰河水清且直猗此地也又東北行千里入于海
此大略矣百里則無以計之

徒駭

漢書曰勃海成平有虜池河民曰徒駭河許商亦云在今天
津府滄州之西河間府交河縣之東北六十里

太史書

宋人作禹貢指南云太史在德州安德縣東南經滄州臨津

縣西明一統志太史河在南皮縣北

馬頰

今濟南府平原縣北有篤馬河東北經陵德平二縣武定府

商河樂陵二縣界即馬頰河也明史地理志曰俗名土河

覆鬴

今濟南府德州有覆鬴河東北至武定府海豐縣入海

胡蘇

河間府東光縣胡蘇亭在焉東至海豐縣入海太平寰宇記

謂之赤河

簡

皇清經解

爾雅釋地四篇注

五

今天津府南皮縣城簡絜一河在焉相去最近

絜

金史地理志南皮縣有絜河東至海豐縣入海太平興寧中

鉤盤

今武定府樂陵縣東南有鉤盤河自濟南府平原德平二縣

界來至海豐縣入海漢書平原有般縣注水經河水故渠川

派東入般縣為般河亦九河之出也地理志曰谷谷土所

鬲津鬲南即平原北首鬲黑河東北臨鬲平二縣左家

漢書平原高縣平當以為鬲津即有窮后羿之國也魏都賦

有蓋節淵所謂鬲津歟在今德州西南爾皆後人依故道鑿

以通水者也武南云太史公謂鬲文潞縣東南縣鬲

九河

鄭康成曰周時齊桓公塞之同為一河按春秋實乾圖云移

河為界在齊呂填闕入流以自廣鄭本之為說也酈道元曰

今自沙邱堰以北館陶慶陶貝邱鬲般廣川信都東光河間

樂成以東城池竝存川瀆多亡漢世河決金隄南北離其害

議者常欲求九河故迹而穿之未知其所是以班固云自茲

距漢北亡八枝者也

從釋地已下至九河皆禹所名也

禹著山經時名之周公釋之也

皇清經解續編卷二百十五終

仁和邵順穎校
桐城姚永槩校

皇清經解續編爾雅釋地四篇注

三

皇清經義卷一百一十五

爾雅釋地四篇後敘

皇清經義卷一百一十五

皇清經義卷一百一十五

皇清經義卷一百一十五

皇清經義卷一百一十五

皇清經義卷一百一十五

皇清經義卷一百一十五

皇清經義卷一百一十五

皇清經義卷一百一十五

皇清經義卷一百一十五

後敘

皇清經義卷一百一十五

典瑞掌王瑞玉器之藏辨其名物一染謂之縑云云則典絲掌
絲入而辨其物也釋樂則典同掌六律六同之和以辨天地四
方陰陽之聲也釋天則眡祲掌十輝之灋以觀妖祥辨吉凶又
保章氏掌天星以志星辰日月之變動以辨其吉凶又甸祝詛
祝之所掌也其旌旗則司常掌九旗之物名巾車掌公車之政
辨其旗物而等敘之也釋地釋邱釋山釋水則大司徒以天下
土地之圖周知九州之地域廣輪之數辨其山林川澤邱陵墳
衍原隰之名物職方氏掌天下之圖以掌天下之地辨其邦國
都鄙四夷八蠻七閩九貉五狄之人民與其財用又山師
川師邊師之所掌也釋草以下六篇亦大司徒以土宜之灋辨
十有二土之名物山師川師辨其物與其利害而頒之于邦國

使致其珍異之物又土訓道地慝以辨地物而原其生以詔地
求也又倉人掌辨九穀之物龜人掌六龜之屬各有名物皆在
也釋畜則庖人掌其六畜六獸六牲辨其名物其馬屬則校人
掌王馬之政辨六馬之屬雞屬則雞人掌其雞牲辨其名物也
昔魯哀公欲學小辨以觀于政孔子告之爾雅其意在是是周
公之著爾雅爲在周禮前周禮之名物必以爾雅辨之也其諸
儒所廣亦自可考按釋詁文有舒業順敘也下云舒業順敘緒
也明是解上四字又粵于爰日也下云爰粵于也郭璞說轉相
訓又治肆古故也下云肆故今也璞說此義相反而兼通者星
衍謂郭說非也此類卽後儒所增矣其釋訓有如切如磋道學
也云云按禮記云是孔子之言其直引詩辭當是子夏之言子

夏實治詩也又釋親一篇亦有所增考史記田文問其父嬰曰
子之子爲何曰爲孫孫之孫爲何曰爲元孫元孫之孫爲何曰
不能知也今釋親則有元孫之子爲來孫云云當是戰國後叔
通等所增矣不然嬰何得不見爾雅也自餘諸篇可以類證星
衍不敏其有所失尙望正告無隱也獻之書副刊已畢故附于
其末

皇清經解續編卷一百十六

南菁書院

車制攷

嘉定錢坫獻之著

有輻謂之輪輪謂之輳亦謂之牙亦謂之罔亦謂之軹亦謂之輟大車謂之渠支輪謂之軻

上古聖人見轉蓬而制為輪輪之為言綸也言彌綸也說文解字有輻曰輪蓋輪在輻外彌綸周而故謂之輪彌綸猶絲連也絲者軹也故輪亦謂之軹說文解字又曰輳車軻也枒車罔會也釋名輞關西曰輳或曰軹方言輪韓魏之間謂之軹或謂之軹關西謂之輟廣雅軹輳輪也輳輦輞也軹本軹輳本軹輳以其繫於輪也亦通謂之輪輦即輦字一輪車無輻謂之輳輳亦輪與攷工記注鄭司農云牙輪輳也世

間或謂之网又曰渠車輶所謂牙康成曰輪牙也渠网也廣雅又曰轅輞也轅即渠字牙攷工省木网或加車並同渠言大車輪者伏生書傳曰散宜生之江淮取大貝如大車之渠渠與巨通巨者大也兵車乘車輪崇六尺六寸三之圍丈九尺八寸牙圍六之一尺一寸大車渠崇九尺三之圍二丈七尺牙圍六之一尺五寸田車輪崇六尺三寸圍與牙圍準之矣古者車网屈一木爲之故謂之輶輶者揉也言曲揉也攷工記曰揉牙外不廉內不挫旁不腫謂之用火之善揉說文解字作燂屈申木也廉作熈火燂車网絕也皆從火輶與揉通揉與燂同廉與熈通凡木直者燂以曲之曲者燂以直之故兼屈申兩義屈申外恐其廉內恐其挫旁恐其腫三者得

則牙能固抱是謂國工荀子曰木直而中繩輶而爲輪其曲中規枯暴不復挺者輶使之然輶謂用火中規言其圍甚如規圍甚則至地者少所謂微至與記又曰三分其牙圍而漆其二注不漆其踐地者也漆者七寸三分寸之一不漆者七寸三分寸之二漆所以堅物今踐地者不漆恐其滑而熈斷僅漆其三分圍之二而已足也說文解字又曰軻礙車也離騷朝發軻于蒼梧王逸注軻檣輪木也國策曰陛下嘗軻車於趙言檣輪也軻本檣輪而屈原言發軻蓋去軻即車可發故揚雄許春皆謂軻爲輪也揚雄長楊賦車不安軻許春檣以輶爲車軻是以軻爲輪與支同

輪輶謂之輶輶近轂謂之股近牙謂之駸其端建轂中者謂之

齒齒謂之弱建牙中者謂之蚤齒蚤齒前卻謂之算算謂之綆亦謂之輶

攷工記曰輪輻三十象日月日三十日而與月會輻數象之老子亦云說文解字輻輪輶也輶輻也輪輶似屋構椽故因以名輶之為言寮也眾多曰寮言同寮也輻之為言屆也屆備也凡物備曰屆布帛之廣度曰幅屆又分也兼此兩義言之攷工記注鄭司農曰股近轂者也較近牙者也股髀也較脛也人脛細于髀今輻較細于股取義近借之康成曰齒輻入轂中者也齒弱也蚤當為爪輻入牙中者也司農又云齒謂建輻也泰山平原所樹立物曰齒博立鼻基亦為齒齒之為言立也耕田曰齒言立於田也弱之為言休也人在水曰

休物在水亦曰休故蒲本在水中曰休古休與溺通弱即溺字蚤爪二字通蚤上之又即爪字記曰參分其輻之長而殺其一參分其股圍去一以為較圍輻長二尺六寸奇廣二寸五分厚一寸奇殺三分之一近牙者殺也防泥濂耳較圍三分去一則較廣二寸三分奇厚大半寸矣轂圍三尺二寸令容三十輻之齒齒厚大半寸齒鑿不均必傷轂矣較圍一尺三分寸之二此是數內圍若較圍則是一尺五寸齒弱雖殺十五分寸之八方與賢圍軹圍相應于齒三分之一鑿亦不得傷較故輻齒因轂圍較圍為厚薄者也記又云六尺有六寸之輪綆三分寸之二注謂出於輻股鑿之數也眠其綆欲其蚤之正注謂輪雖算爪牙必正也凡車輪輻向外算謂之綆輪算而齒蚤之鑿不齟者恐其掉

也是謂輪之固硬輪算也鄭司農說釋名轉輓猶祕齧也在車軸上正輪之祕齒前卻也軸疑當作轂輶與算通硬算亦聲相轉輓為齧古人讀軫廣六尺六寸轂在輻內九寸半輻廣三寸半算三分寸之二與軌八尺畧等矣

輻所湊謂之轂轂齊謂之輓以革檣轂謂之軹約軹謂之篆轂空壺中當輻菑謂之藪藪謂之輳大穿謂之賢小穿謂之軹以金裹賢軹藪謂之鈺鈺謂之鍋轂崙沓謂之輶亦謂之軹亦謂之鍊鏘

老子曰三十輻共一轂當其無有車之用河上公說無有謂空虛故攷工記注亦云利轉者以無有為用也說文解字轂輻所湊也言轂外為輻所湊而中空虛受軸以利轉為用釋

名轂塉也體堅塉也塉古確字為用之物非堅塉者不可兼此義言之是已康成曰今世轂用雜榆輻以檀牙以檀榆堅木故為轂輪以柔木為之檀枋也又櫛柔木亦宜輪大車短轂兵車長轂行澤短轂行山長轂長轂謂之暘轂暘之言長也說文解字又曰輓轂齊等也攷工謂之眼注眼出大貌鄭司農讀如限切之限轂含軸如眼兩端長短齊等兩義並通眼輓古聲同輓轂又聲相轉方言廣雅又謂銀即車鈺小穿之鈺近轂崙故云輓銀亦同字詩毛傳軹長轂之軹也朱而約之說文解字曰軹車約軹記曰陳篆必正注篆轂約也巾車孤乘夏篆注故書夏篆為夏緣鄭司農云夏赤也緣緣色或曰夏篆篆讀為圭瑒之瑒夏篆轂有約也康成曰夏篆五

采畫轂約也夏篆卽約軹夏爲南方其色赤幘覆革也以革
覆轂而朱約之如圭之瑑然康成曰瑑文飾也鄭司農曰瑑
有圻鄂瑑起許春曰瑑圭璧上起兆瑑也今約轂有兆瑑故
讀如瑑緣與瑑通瑑與篆通篆與軹通四字同古者短轂不
約軹唯長轂有之說文解字操車轂中空也讀如藪攷工記
注鄭司農云藪謂轂空壺中也康成云壺中當輻菑者也急
就篇謂之輹古聲藪輹相轉藪與操同廣雅賢大也賢有大
義故大穿謂之賢鄭司農云賢大穿也軹小穿也說文解字
軹車輪小穿也軹卽轂末與轄爲近故或謂轄爲軹鄭司農
云軹轄也釋名軹指也如指而見于轂頭也軹又與軹通夏
官大馭祭兩軹注故書軹爲軹杜子春云文當如此或讀軹

爲簪筭之筭古聲筭軹本同而轉爲軹故筭或音機軹從之
故讀亦近軹杜云文當如此者嫌與轄內同名也轂長二尺
二寸二在外一在內鄭云輻廣二寸半輻內九寸半輻外一
尺九寸圍二尺二寸徑一尺三分寸之二五分轂長去二爲
賢去二爲軹三分長之一爲藪賢圍一尺九寸二分軹圍一
尺二寸八分藪圍一尺十五分寸之九此藪用金裹之故圍
徑與兩穿不合鄭云大穿徑六寸五分寸之二小穿徑四寸
十五分寸之四大穿穿內徑四寸五分寸之二小穿穿內徑
二寸十五分寸之四藪徑三寸九分寸之五穿內徑者已用
金裹之矣藪內與藪外等積無贏不足所謂量其藪以黍以
視其同者此求積之說與說文解字軹車轂中鐵也方言車

鈺齊燕海岱之間謂之鍋自關而西謂之鈺釋名鈺空也其中空也輶裏也裏輶頭也鍋與輶同鈺輶又聲相轉說文解字輶輶輶也輶車輶也方言輶輶輶輶關之東西曰輶南楚曰輶趙魏之間曰鍊鑄廣雅鍊鑄鑄鈞也改車從金亦同輶軸輶輶輶古亦謂軸輶爲輶故通之

既夕注云古文鑄爲鑄是鑄爲輶

輪第一

車蓋杠謂之程斗謂之部其柄謂之達常以絲繫杠謂之韜攷工記軫之方也以象地也蓋之圓也以象天也人戴天履地故淮南子曰以天爲蓋以地爲輿記又曰蓋上欲尊而宇欲卑上尊而宇卑則吐水疾而霽遠注蓋爲雨設乘車無蓋禮所謂潦車爲蓋車與儀禮既夕記稟車載簣笠注稟猶散

也散車以田以鄙之車今文稟爲潦古聲稟潦同謂吐水疾而霽遠故鄭疑之乘車無蓋玉路建大常金路建大旂象路建大赤革路建大白木路建大戲木路田車大戲不在九旗中或蓋車卽木路與兵車亦無蓋曲禮行前朱雀而後元武左青龍而右白虎招搖在上急繕其怒注謂畫招搖星于旌旗上也朱雀旗元武旒青龍旂白虎旗招搖星在北斗杓端斗爲帝車招搖在上象之又春秋宣公四年左氏傳伯勞射王汰輶以貫笠輶服虔解詁曰笠輶輶之蓋如笠所以蔽輶上以禦矢也杜預注兵車無蓋尊者則邊人作笠依輶而立以禦寒暑名曰笠輶乘車兵車皆無蓋然則潦車卽蓋車是矣記曰輪人爲蓋達常圍三寸注圍三寸徑一寸也鄭司農

云達常蓋斗柄下入杠中者也程圍倍之六寸注圍六寸徑
二寸足以含達常鄭司農云程蓋杠也信其程圍以爲部廣
部廣六寸注廣謂徑也鄭司農云部蓋斗也部長二尺注謂
斗柄達常也程長倍之四尺者二注杠長八尺謂達常以下
也加達常二尺則蓋高一丈部尊一枚注枚一分蓋斗上隆
高高一分也達常徑一寸下入杠中杠徑二寸則鑿外猶餘
十分寸之五鑿柄不傷矣部厚一寸而上隆高十分寸之一
亦例以上欲尊也記又曰弓鑿廣四枚鑿上二枚鑿下四枚
鑿深二寸有半下直二枚鑿端一枚注鑿深對爲五寸是以
不傷達常也下直二枚者鑿空下正而上低二分也其弓蓄
則撓之平刻其下一二分而內之欲令蓋之尊終平不蒙撓也

端內題也部廣六寸四六二尺四寸容二十八弓弓鑿四枚
爲一尺一寸十分寸之二鑿間猶有一尺五分寸之四又廣
卽徑弓鑿對有五寸達常上入部中一寸恐達常與弓蓄相
傷故撓其弓蓄使下直二枚又使蓄端削小則兩不相妨矣
說文解字韜蓋杠絲釋名杠公也眾又所公共也杠與程義

非正亦借之

杠牀前橫木程牀
前凡故曰義非正

蓋又謂之椽亦謂之弓弓謂之穹隆或謂之隆強或謂之隆屈
或謂之篷亦謂之輓或謂之篋或謂之傘或謂之枸篋其上約
謂之筠或謂之箕其上竹謂之郎疏弓近部謂之股弓末謂之

蚤

釋名椽蓋義也隆強或曰車弓其上竹曰郎疏傘藩也說文

解字淮南名車穹隆輶方言車枸篋宋魏陳楚之間謂之篋
或謂之篋籠其上約謂之筠或謂之篋秦晉之間自闕而西
謂之枸篋西隴謂之楡南楚之外謂之篷或謂之隆屈廣雅
枸篋隆屈篋篷篋籠輦也攷工記注弓蓋橈也弓別十名約
別二名輦楡二字同枸拘二字通玉篇又謂拘爲姑穹隆卽
篋籠反語亦弓也攷工記三分弓長而揉其一注六尺之弓
近部二尺四尺爲宇曲三分其股圍去一以爲蚤圍注以弓
鑿之廣爲股圍則寸六分也蚤圍一寸十五分寸之一三分
弓長以其一爲之尊注六尺之弓上近部平者二尺蚤末下
于部二尺二尺爲句四尺爲弦求其股股十二除之面三尺
幾半也弓長有三等底軹六尺底輪五尺底軫四尺以六尺
者準之揉三分之一則近部二尺平下四尺爲宇曲句弦求
股股得三尺四寸有奇故曰幾半股者宇上與近部平之數
也爲句股和五尺四寸有奇重之爲一丈八尺有奇此謂底
軹與說文解字有車蓋玉瑤桓譚新論亦言輿輦玉瑤華芝
漢書王莽傳或言黃帝時造華蓋以登仙莽乃造華蓋金瑤
羽葆瑤卽蚤也或飾以玉或飾以金飾則異耳張衡東京賦
謂之葩瑤輿服志謂之華瑤葩與華同

蓋衣謂之幪幪謂之幪

說文解字幪蓋衣也廣雅幪謂之幪巾車王后五路皆有容
蓋注容謂幪車山東謂之裳幪或曰幪容昏禮婦車有袞注
袞車裳幪詩漸車幪裳鄭箋幪裳童容幪裳係于蓋下垂底

兩騎如裳然故既夕記注曰袞者車裳幃于蓋弓垂之袞與幃通又古有通幃車釋名幃憲也裳蹠也在車兩旁蹠幃使不得進卻也風土記周禮以拂拭車一義謂施嚴帷幃說文解字蓋車檜結也檜卽蹠字車檜其蹠幃與

蓋第二

輿內謂之箱箱謂之鞞其深謂之隧

說文解字車輿輪之總名輿車輿也詩毛傳箱大車之箱也方言箱謂之鞞廣雅鞞箱也攷工記注鄭司農云隧車輿深也六尺六寸之車隧深三分去一爲四尺四寸古車蓋用橫廣也史記袁盎曰天子所與共六尺輿者蓋舉成數言漢制與工官亦同

隧前謂之式式謂之鞞覆式謂之幃鞞式謂之鞞其衣謂之禦式前謂之鞞式上鈴謂之和輿後戶謂之弗其衣謂之蔽攷工記三分其隧一在前二在後以揉其式注式深尺四寸三分寸之二以其廣之半爲之式崇注式高三尺三寸三分軫圍去一以爲式圍注式圍七寸三分寸之一式說文解字作軾車前也釋名軾式也所伏以式敬者也式軾古字通又式亦名馮霍光傳加畫繡網馮黃金塗馮謂式左傳君馮式而觀蓋人所馮卽謂之馮矣春秋穀梁傳叔孫得臣敗長狄于鹹斷其首而載之眉見于式范甯註兵車式高三尺三寸說與鄭合說文解字鞞車鞞也或作袞鞞釋名鞞伏也在前人所伏也廣雅鞞謂之軾鞞鞞袞鞞五字同鞞與服同聲

易服牛乘馬許春引作備牛乘馬故鞫與紘亦同聲詩毛傳幟覆式也春秋

昭公二十五年公羊傳以箝為席何休注箝車覆箝禮玉藻

君羔箝虎植鄭元注箝覆箝也廣雅覆箝謂之箝說文解字

幟蓋幟也箝黍布也幟有蓋義故云蓋幟蓋者覆也巾車木

車犬襖注以犬皮為覆箝既夕記白狗箝注古文箝為冪冪

與襖同諸經說幟箝襖三字同許春分為二又冪一讀如縈

士喪禮注幟讀如詩曰葛藟縈之之縈蓋本從冥為聲轉為

幟也箝卽輪二字通爾雅輿革前謂之鞮李巡曰謂輿前以

革為車飾曰鞮郭璞曰以革鞮車軾也鞮齊風謂之朱鞮毛

傳云諸侯之路車有朱革之質而羽飾鞮去毛皮約之以朱

質正也又鞮與箝通夏官司弓矢王弓弧弓以授射甲革箝

質者注故書箝為鞮箝亦質也圍師注杜子春讀箝為齊人

言鉄箝之箝箝聲與鞮亦同爾雅又云竹前謂之禦李巡曰

竹前謂編竹當車前以擁蔽名之曰禦禦止也孫炎曰禦以

箝為車飾也此禦或謂之立人或謂之陽門或謂之屏星或

謂之雀目或謂之蔽當當者當也當于前也釋名立人象人

立也或曰陽門在前曰陽兩旁似門也通俗文車當謂之屏

星廣雅陽門箝箝雀目蔽當也箝箝箝三字皆加竹以其用

竹為之義同玉篇又以箝箝為車輻蓋在車前輻蔽也別六

名漢書黃霸為潁川太守宣帝下詔賜車蓋特高一丈別駕

主簿車緹油屏泥於式前以章有德孔恂傳別駕從事車舊

有屏星刺史欲去之恂曰別駕可去屏星不可省

孔恂謝承後漢書有

車制攷

傳引見輿屏泥卽屏星與郭林宗別傳昔仲瑋爲從事嘗柴服志注補屏泥卽屏星與郭林宗別傳昔仲瑋爲從事嘗柴車駕牛編荆爲當屏星本用竹言編荆明其約也然左傳亦云班荆是古亦或以荆爲之爾雅屏謂之樹屏卽塞門設屏於門所以蔽容今設於車前象之故李尤輶車銘曰輪以代步屏以蔽容詩毛傳輶式中也說文解字輶車式也蓋車式中亦以革覆之賈誼書曰在衡爲鑿在式爲和馬動而鑿鳴鑿鳴而和應詩魯訓曰和設式鑿設衡毛傳以爲鑿設鑿與賈書魯訓異蓋秦風以爲輶車鑿鑿毛本之爲說也爾雅又曰輿革後謂之弗竹後謂之蔽李巡曰弗車後戶名也郭璞曰以革鞞後戶也蔽以簟衣後戶也詩毛傳簟方文席車之蔽曰弗又鄭箋曰弗之言蔽也車之蔽飾象席文也古弗與

蔽字通故詩翟弗以朝申車注引作翟蔽以朝蔽弗同物而聲義又近弗或作第从竹同

式前謂之軌軌謂之陰

說文解字軌車軾前也攷王記注鄭司農云軌謂式前也釋名陰陰也橫側車前以陰笱也詩毛傳陰掩軌也由軌以上爲軌鄭箋揜軌在式前垂軌上渡深水者必濡陰軌故衛人以濟盈不濡軌刺夫人今以軌徹之軌當之誤矣究其由來則軌法也軌亦法也形義皆近後人多見軌少見軌因之而

亂輿之軌謂之軌軌謂之陰

輿下枕謂之軫軫謂之攷其板謂之薦板軫前謂之縮或謂之育當兩軫之間謂之軫間

攷工記注軫輿也蓋輿下前後兩端之橫木通謂之軫故記
曰軫之方以象地白虎奏議亦謂王者仰卽觀天俛卽察地
爲輿教之道若但在車前與車後則軫不方不得謂象地矣
說文解字軫車後橫木也方言軫謂之枕釋名枕橫在前如
臥牀之有枕橫也須合此言之詩毛傳收軫也釋名又曰薦
板在上如薦席也齊人謂車枕以前曰縮沈冀曰育薦板置
薦板薦席也縮與育古聲同軫圍尺一寸軫間六尺六寸許
脊淮南子注曰軫轉也軫有轉義則踞轉而鼓琴不得謂之
衣裝矣太元經軫轉其道馮衍賦
路紆軫而多艱是軫轉也
輿旁揜板謂之鞞鞞謂之輓其上縮謂之較亦謂之車耳亦謂
之重耳較外藩謂之輶大車之較謂之軋服鞞內之輪謂之軋

亦謂之輶式內之輪謂之軋

說文解字鞞車旁也輓車兩鞞也較車鞞上曲鉤也今本作曲銅非

是此依李善文選注鞞車耳反出也蓋較或謂之車耳以其重較故亦

謂之重耳較卽鞞上及兩旁之植者橫者也攷工記注較車
鞞上出式者古今注曰車耳重較重耳晉文公名取此爲義

應劭漢書注車輻爲輶以簞爲之或用革所以屏蔽塵泥也

又曰車耳反出所以爲之藩屏塵泥也其漢官儀曰孝景帝
六年令二千石朱兩千石六百石朱輻輻卽輶所以蔽較故

或謂輶爲較太元積首君子積善至于車耳測曰至於輻也

以其藩于外也又以輻爲箱廣雅輻箱也輻謂之輶因之又

以較爲箱通俗文曰車箱爲較較卽軋服因之又以軋服爲

箱說文解字曰箱大車牝服也攷工記注鄭司農曰牝服謂車箱既夕注牝服箱也諸家說亦並通攷工記注又曰軹軻之植者橫者也對式之植者橫者也鄭司農云對謂車與軻立者也說文解字又曰軻車軻間橫木或作軻軻車籍交錯也對車橫軻也軻之爲言闌也闌在內也爲軻內式內之通名或作軻者司馬相如說方言屋栝謂之軻栝栝也闌檻爲楯其間木爲軻車軻似之又軻亦名車闌軻之爲闌猶栝之爲軻也聲相轉軻在兩旁如牆亦謂之軻凡物如指而立者爲蓄軻蓄聲同對者對也以式對人而言式內對亦謂之軻者諸經說軻是覆軻在式上耳司農以立者爲對橫者爲軻亦許晉以爲軻對皆橫木失之較長八尺謂之牝服車謂之兩

者風俗通義曰車箱轅及輪兩兩相耦故稱兩古或有兩轅車攷工記三分車廣去一以爲隧以其隧之半爲之較崇注自較而下凡五尺五寸三分式圍去一以爲較圍注較圍四寸九分寸之八三分較圍去一以爲軹圍注軹圍三寸二十七分寸之七三分軹圍去一以爲對圍注對圍二寸八十一分寸之十四蓋輿崇五尺五寸去式崇三尺三寸則較崇二尺三寸正與隧之半相合式深一尺四寸三分寸之二爲句較崇爲股句股求弦得弦二尺六寸太爲式去較之度較或作較同服鄭司農讀爲負

鈎軸謂之鈎心其索謂之畢亦謂之轉大車謂之棊

釋名鈎心從輿心下鈎軸也或作枸通俗文曰軸限者謂之

枸枸與鉤同方言車下鉄陳宋淮楚之間謂之畢大車謂之
綦畢或作繹攷工記天子圭中必注必讀如鹿車繹之繹繹
卽畢也畢與必通故必讀如繹又說文解字曰鞮車束也鞮
在車下象之不借鄭康成作薄借薄與不通說文解字又曰
鞮車下索也釋名縛在車下與輿相連縛也縛與鞮同攷工
記又曰凡爲輶三其輪崇三分其長二在前一在後以鑿其
鉤注鄭司農曰鉤鉤心彼言大車羊車柏車故置鉤不在輿
心不與乘車兵車同制

輿第三

輿下任正者謂之輶輶謂之輶輶出軌前謂之侯亦謂之胡輶

崑謂之頸承軫謂之踵當兩轂之間謂之當免輶上五束謂之
綦綦謂之歷錄

輿服志後世聖人觀于天旼斗周旋魁方杓曲以攜龍角爲
帝車于是乃曲其輶故孝經援神契曰斗杓撓象成車說
文解字輶輶也輶輶也爰籀文以爲輶字古輶與袁爰三字
通故輶固或作袁而袁益亦作爰輶之爲言援也釋名輶車
之大援也援卽從爰故爰與輶同爰亦引也輶在車前所以
引也方言輶楚魏之間謂之輶輶之爲言句也言輶上曲可
句衡也詩毛傳曰梁輶輶上句衡也蓋句衡如梁然攷工記
凡任木任正者十分其輶之長以其一爲之圍注任正者謂
輿下三面材持車正者也輶軌前十尺與隧四尺四寸凡丈

四尺四寸則任正之圍尺四寸五分寸之二轉在輿下一面
不見見者兩旁及下三面故謂之三面材在車中故謂之持
車正大行人上公立當前軹侯伯立當前疾子男立當車衡
注鄭司農云前疾駟馬車轅前胡下垂挂地者疾即侯字形
近故譌物曲而下垂者古通謂之胡胡與侯同聲故亦謂之
侯說文解字胡牛領垂也釋名胡在咽下垂胡即喉故詩云
狼跋其胡言狼有胡進而躓之也攷工記戈胡三之援四之
注鄭司農云援直刃也胡其子戈子句故戈謂之句兵胡者
句也直刃爲援曲刃爲句然則轉謂之轅者轉言其句轅與
爰通亦言其直者矣記又曰十分其轉之長以其一爲之當
兔之圍注轉當伏兔者也亦圍一尺四寸五分寸之二三分

其兔圍去一以爲頸圍注頸前持衡者圍九寸十五分寸之
九五分其頸圍去一以爲踵圍注踵後承軫者也圍七寸七
十五分寸之五十一前謂之頸後謂之踵象人之頸與踵而
言亦與胡相應詩毛傳曰五五束也梁歷錄也一轉五束束
有歷錄說文解字曰梁車歷錄束交也轉上五處束文蓋歷
錄然所謂據文畫轉金涂五束也五束徐廣未詳應是束字之譌記又曰凡

揉轉欲其孫而無弧深注弧木弓也凡弓引之中三申三深
之極也揉轉之倨句如三可如三則深傷其力王弓合九而
成規弧弓亦然令規圍五丈九尺四寸九分之爲六尺六寸
六尺六寸之弓求其矢三則深矣故惟三爲可轉不欲直亦
不可深二在深淺之間與息和父馬經所記之轉也

轅前謂之衡衡謂之軛軛下烏啄又馬頸者謂之鞵鞵謂之輶
 持衡謂之軛大車之軛謂之兩持兩謂之軛縛軛鞵謂之鞵衡
 上束謂之轡或謂之轡載轡謂之轡四十八分之二六六六
 傳毅車左銘曰虞氏作車取象璣衡衡者斗第五星又衡之
 言橫也以其橫於軛前象衡之橫在杓上也釋名衡橫馬頸
 上也說亦並通攷工記曰凡任木橫任者五分其長以其一
 為之圍注橫任者謂兩軛之間也衡圍一尺三寸五分寸之
 一衡長與車廣同取五分長之一為圍者與軸圍相應說文
 解字軛轅前也鞵軛下曲也輶軛鞵也軛車轅端持衡者輶
 大車軛也軛大車轅端持衡者釋名輶輶也所以輶牛頸也
 馬曰烏啄下向又馬頸似鳥開口向下啄物時也攷工記注

鄭司農云高謂轅前高許春作輶軛劉熙作輶皆從木並同
 春秋襄公十四年左傳射兩鞵而還照虞解誼曰車軛兩邊
 又馬頸者杜云車軛卷者論語大車無軛小車無軛包咸注
 曰輶轅端橫木以縛軛者軛轅端上曲鈎衡軛軛衡與軛間
 之鍵也無鍵則衡與軛不相附而車不可行故墨子曰吾不
 如為車軛者巧也用咫尺之木而引三十石之任鍵小而所
 用者大矣此鍵亦或名軛巾車注曰車衡軛亦宜有焉連衡
 言軛軛即是鍵軛或作軛從元古元與兀同聲故元說文解
 字一本作從兀兀聲見戴侗六書故又髻從元聲一作從兀艘從隻
 聲一作鏞從喬亦聲喬與隻同聲猶兀與元同聲也又鞵或
 作胸春秋昭公二十六年左氏傳齊子淵捷從洩聲子射之

中楯瓦繇胸汰軻七入者三寸杜注以胸爲車軻是胸亦卽
軻也說文解字又曰鞞縛軻鞞釋名鞞縣也所以縣縛軻也
鞞卽鞞字說文解字又曰鞞車衡三束也或作鞞曲鞞鞞縛
直鞞鞞縛鞞直鞞車鞞也其上錯以文采謂之錯衡亦謂之
文衡故詩毛傳曰錯衡文衡也說文解字又曰鞞車衡載轡
者或作鞞爾雅載轡謂之鞞郭璞曰車軻上環轡所貫也古
義與獻聲相轉故魯論鄉人儺爲鄉人獻獻有犧音故周禮
犧尊作獻尊是環也亦可從金爾雅又曰鑣謂之鑣亦名有
一物與
持輪謂之軸或謂之輅其上束謂之鞶軸末謂之害或謂之鞶
或謂之鞶軸當轂裏之以金謂之鑣軸端鍵謂之鞶鞶頭鞶謂

之軻
說文解字軸持輪也釋名軸抽也入轂中可抽出也方言鞶

謂之軸攷工記五分其軻間以其十謂之軸圍注軸圍一尺
三寸五分寸之一軸入轂之圍與穿圍相準大穿穿內徑四
寸五分寸之二小穿穿內徑二寸十五分寸之四今圍一尺
三寸五分寸之一爲徑與大穿穿內徑等其軸端之圍亦應
與小穿穿內圍等矣轂內與任正同說文解字鞶車軸束也
害車軸端也或作鞶方言車鞶齊謂之鞶廣雅鞶鞶也玉
篇鞶車鞶也鑣許脊以爲車軸鐵釋名鑣間也間鈺軸之間
使不相摩也然則軸上亦以金裹之矣說文解字又曰鞶車
軸頭鍵也鞶鍵也鍵鞶也釋名鞶害也車之禁害也高誘國

策注曰轄轂闕也羣從牛中兩左象車兩旁設轄之形轄卽
鞏字春秋昭公二十五年左傳昭子賦車轄卽詩車鞏亦與
轄同趙岐孟子題詞山陽太守祝睦後碑轄轄皆作鋸鋸哀
公三年左傳巾車脂轄釋文云本又作鋸古者車不駕則脫
其轄故詩曰間關車之轄兮毛傳曰間關設轄也淮南子曰
車之能轉千里所者以其要在三寸轄晏子曰無四寸之鍵
則車不行或言三寸或言四寸以準穿圍四寸似長矣乘車
設二轄蔡邕獨斷乘輿皆副轄張衡東京賦重輪貳轄輿服
志乘輿貳轂兩轄是也曲禮君車已駕僕展輪盧植注曰輪
轄頭鞞也晏子又曰終年爲車無一尺之輪則不可以馳輪
者飛輪也楚辭猗結輪兮太息王逸注曰輪重輪也重輪卽

飛輪蔡邕獨斷曰飛輪似緹油廣八寸長注地畫左蒼龍右
白虎係軸頭蓋亦以革爲之故曰轄頭鞞
輿下屐謂之鞞鞞謂之輓亦謂之伏兔其下革謂之輓
說文解字鞞車伏兔也輓車軸縛也輓伏兔下革也釋名屐
似人屐也又曰伏兔在軸上似之也又曰輓輓伏也伏于軸
上也廣雅輓鞞伏兔也攷工記注鞞伏兔也易輿脫輓子夏
傳曰輓車下伏兔也春秋左傳車脫其輓正與易義同今以
牙輻之輻當之誤矣軫與鞞并厚七寸則鞞厚三寸十分寸

之五歟

馬杖謂之策策謂之箠

說文解字策馬箠也箠擊馬也攷王記曰軌前十尺而策半

之注策御者之策也是故策長五尺詩曰駟馬十八而策半

夾轅兩馬謂之服服謂之中服外兩馬謂之驂驂謂之駢

古者一駕四馬謂之駟駢駟也故鄭公子駢字子駟驂馬亦

稱之者蓋得驂始成駟耳詩毛傳曰服中央夾轅者鄭箋曰

中中服也驂兩駢也許春以為驂駕三馬駢驂旁馬王肅云

古者一轅之車夏后氏駕兩馬謂之麗殷益以一駢謂之驂

周人又益一謂之駟于字義近矣準古之制未為是與服之

為言負也言負軛也驂或作參古人名參字子輿御者擊其

中則驂應之擊其驂則中應之故國策曰拊驂無笞服彼言

擊其驂則中服不勞笞也蓋既均馬力齊馬心亦惟其所引

而之矣詩于駟曰駟駟有金鑿其鑿以禦駟曰駟于駟駟

馬絡頭謂之勒亦謂之羈亦謂之鞅勒鞅謂之鞅金鑿之鑿謂

說文解字勒馬絡頭也羈馬絡頭也鞅勒鞅也釋名勒絡也

絡其頭而引之也羈檢也所以檢持制之也廣雅羈鞅勒也

王逸離騷賦注革絡頭曰羈羈鞅聲之轉羈與羈同鞅在面

上言之詩駟馬曰駟之駟出其與曰衣且鞅鞅本音王肅

冠謂之弁亦謂之鍔冠飾謂之錫錫謂之當盧鍔後鐵謂之防

鉉鉉鞅鞅在面前鞅謂之子輿謂正至二采應謂四鞅謂正至六

張衡西京賦璫弁玉纓遺光儵爚薛綜注璫弁馬冠春秋僖

公二十八年左傳子玉為瓊弁玉纓杜注謂以玉飾弁及纓

由冠弁及纓本有玉飾故周禮弁師掌玉之皮弁會五采玉

璆諸侯及孤卿大夫之冕韋弁皮弁各以其等為之注會縫
 中也皮弁之縫中每貫結五采玉以為飾謂之璆冕侯伯用
 玉九十八子男用五十孤用三十二卿用十八大夫用八皮
 弁韋弁侯伯璆飾七子男飾五玉三采孤飾四卿飾三大夫
 飾二玉二采又詩旒邱曰衰如充耳充耳塞耳以玉為之亦
 謂之瑱故借老曰玉之瑱也淇澳曰充耳琇瑩冠本有玉飾
 而以為借侈失之矣唯以為馬冠纓飾故傳譏之瓊與璆同
 蔡邕獨斷曰金鍍馬冠鍍字從麥麥腦蓋也在馬頭上象之
 馬融廣成頌直作麥同鍍俗作鏤非章懷太子後漢書注一音無犯切一音子公切俗論字音
 說文解字錫馬頭飾也巾車注錫馬面當盧刻金為之所謂
 鏤錫也詩毛傳曰鏤錫有金鏤其錫也鄭箋曰眉上曰錫刻

金為之今當盧也人眉上曰揚故詩揚且之哲毛傳曰揚眉
 上廣馬眉上名之者因字借其義錫省作錫從金與鍍同與
 服志曰方鉉插翟尾獨斷曰方鉉鐵也廣數寸在馬鍍後有
 三孔插翟尾其中許脊亦曰乘輿馬頭上防鉉插以翟尾鐵
 翮象角所以防網羅鉉去之防與方同璆弁金鍍或飾以玉
 或飾以金飾異名亦從之矣又爾雅一曰璆金鍍也
 婁頰謂之鈎膺也巾車注鈎婁頰之鈎也金路有鈎無錫錫
 詩毛傳膺馬帶也巾車注鈎婁頰之鈎也金路有鈎無錫錫
 當盧鈎婁頰頰頰也在頰下鏤金為之膺之為言膺也言與
 錫相應故玉路有錫金路有鈎自象路以下皆無之婁與鏤

勒口謂之銜銜外鐵謂之鑣鑣謂之鐵鑣飾謂之噴噴謂之扇
汗鑣土鈴謂之鑿言鑿金鑿石也自鑿鑿之鑿鑿與鑿
說文解字銜馬勒口中鑣馬銜也噴馬纏鑣扇汗也詩毛傳
噴鑣飾也人君以朱纏鑣扇汗且以爲飾釋名銜在口中之
言也鑣苞也所以在旁苞歛其口也爾雅鑣謂之鐵鑣苞古
亦通既夕記注古文鑣爲苞又扇汗一名排抹鑣金鈴也干
寶周禮注和鑣皆以金爲鈴詩毛傳在式曰和在鑣曰鑣鄭
箋曰四馬則八鑣許存亦云人君乘車四馬鑣八鑣鈴象鸞
鳥聲諸家說鑣皆在鑣唯詩魯訓以爲鑣設銜賈誼亦曰在
衡曰鑣其未然與鑣象鸞鳥聲故或作鸞並通
頸鞞謂之鞅鞅謂之纓亦謂之靳亦謂之當胷

說文解字鞅頸鞞也靳當胷也釋名鞅嬰也既夕注纓今馬
鞅巾車注鄭司農云纓謂當胷也服虔左傳解誼曰纓如索
韁今乘輿大駕有之纓之爲言壅也言壅馬頸所以負軛纓
懸于衡者無纓則馬與衡不相附而車不可行故太子抽
劍斷鞅鮑永拔佩刀截馬當胷皆所以止車也巾車纓玉路
十有再就金路九就象路七就革路五就就之爲言成也謂
以五采屬飾纓十有再就者十有二成也爲天子之纓飾上
公九就侯伯七就子男五就諸侯之大夫三就蓋馬纓削革
爲之或飾以玉謂之玉纓纓謂之鞅者古聲纓鞅相轉靳或
與鞞義相亂

防汗謂之鞞鞞者古聲鞞鞅相轉靳或

說文解字鞞防汗也玉篇作防捍捍與汗同一名障汗障之言防也一名蔽泥西京雜記武帝得貳師天馬以綠地五色錦爲蔽泥後稍以熊羆皮爲之又謂之障泥魏百官名黃色金縷織成萬歲障泥鹽鐵論謂之弁汗今或作弁汗者非是在馬胛前所以汗蔽塵泥鞞從革蓋多以革爲之著掖鞞所以繫鞞謂之鞞腹帶謂之樊

鞞說文解字作鞞著掖鞞也蓋在兩掖旁橫經其下而上繫于鞞左傳所謂鞞鞞鞞鞞是也荀子有蛟鞞徐廣曰當馬掖之革以鮫魚皮爲之劉熙以爲在腹下杜預以爲在背上兩說未然與巾車注樊讀如鞞帶之鞞謂今馬大帶也樊卽腹帶以其鞞在服下故讀從之

鞞具謂之鞞鞞飾謂之鞞或謂之鞞

說文解字鞞馬鞞具也鞞鞞飾也鞞鞞鞞飾也鞞又作鞞毛盛也尚書史記作鞞徐廣音其並同鞞以革爲之鞞飾則以獸細毛爲之若毼毼然鞞獸細毛許晉說般鞞謂之鞞亦謂之紂亦謂之曲紂亦謂之曲紂尾下衣謂之

紂

說文解字馬尾鞞今之般鞞馬紂也紂馬鞞也方言車紂自關而東周洛韓鄭汝潁而東謂之鞞或謂之曲紂或謂之曲紂自關而西謂之紂鞞卽鞞字秋之爲言鞞也鞞從秋鞞從酋秋酋古聲同攷工記注古書鞞作鞞荀子巨楚縣吾前大燕鮪吾後又作鮪一則改系從魚一更改酋從叟古聲酋

輿通攷王記攻金之工鮑注鮑書或作鞫說文解字鞫柔革
 工也周禮曰柔皮之工鮑氏鞫即鮑也釋名鞫道也在後道
 迫不得使卻縮也又從革鮑之從魚從革可通則鮑之從魚
 從革亦可通矣釋名又曰紛放也防其放弛以拘之也許春
 曰紛馬尾鞫也蓋以毳爲之在尾下今世猶然
 繼謂之緼緼謂之鞫在口謂之鞫

說文解字緼馬繼也釋名繼制也牽制之也鞫疆也繫之使
 不得出疆限也鞫與緼同儀禮既夕注曰鞫緼也鞫與繼同
 廣雅鞫謂之緼檀弓注鞫鞫也蓋所以引即謂之鞫王逸離
 騷注鞫在口曰鞫鞫鞫亦聲相轉
 鞫謂之鞫鞫謂之鞫鞫首謂之革革上小環謂之厄

說文解字鞫鞫革也蓋人所鞫故謂之鞫郭璞爾雅注亦云
 鞫鞫也音灼音如霸亦謂鞫鞫首謂之革爾雅又詩毛傳鞫
 鞫也革鞫首也鄭云鞫革鞫首垂也鞫革或作鞫勒石鼓文
 田車旣安鞫勒駢駢玉篇曰鞫與鞫同又與攸通故伯姬鼎
 作攸勒古革與勒通故如鳥斯革韓詩作斯勒詩鄭箋又曰
 厄以金爲小環往往纏隘之厄在鞫首上以金爲之故云金
 厄鞫亦有金故或從金

駢馬內鞫繫式前謂之鞫所以繫鞫謂之鞫
 古者一駕四馬每馬有二鞫則八鞫矣故聘禮賓觀總乘馬
 注總八鞫牽之鞫之爲言內也說文解字鞫駢馬內鞫繫式
 前也詩毛傳鞫駢內鞫也駢馬內鞫繫于鞫唯執其外鞫服

馬則執四轡故詩云六轡在手明在手者唯六轡耳大戴禮
 記盛德篇云六官以為轡司會均入以為軻古內與入亦同
 字均入即均內內者納也說文解字又曰軻環之有舌者或
 作鑄鄭云軻之軻以白金為飾軻以金為之故或從金古聲
 隻與喬同軻之作鑄瓊之作瑠其例一也又隻與媿通故軻
 即環爾雅曰環謂之捐古員與員亦通故狂環作狂狷狷聲
 又近軻捐即軻與軻同軻車軻音高其音與軻同軻文曰
 繫服馬背謂之鞞鞞謂之鞞亦謂之游環亦謂之鞞鞞鞞謂
 之續服馬外脅謂之脅驅詩毛傳游環鞞也游在背上所以禦車也鄭箋游環在背
 上無常處貫駝之外轡以禁其出釋名游環在服馬背上駝
 詩毛傳游環鞞也游在背上所以禦車也鄭箋游環在背
 上無常處貫駝之外轡以禁其出釋名游環在服馬背上駝

馬之外轡貫之游移前卻無常處游環者鞞也古鞞與鞞字
 形聲相近或亂春秋定公九年左傳如駝之鞞以鞞為鞞字
 譌說文解字鞞當胃也鞞引軸也引軸即游環蓋以當胃之
 鞞亂之周禮巾車注纓今馬鞞鄭司農云纓謂當胃士喪禮
 下篇曰馬纓三就禮家說纓當胃以削革為之僖公二十八
 年左傳杜注曰在胃曰鞞在腹曰鞞廣雅彌鞞為之鞞兩家
 亦以鞞為鞞以鞞為鞞鞞纓鞞實云也左傳子玉為瓊弁玉
 纓張衡以為馬飾故薛綜云纓馬鞞釋名纓嬰也侯下稱嬰
 言纓絡之也說文解字鞞頸鞞也蓋馬纓稱鞞而鞞鞞名鞞
 嬰本人頸飾鞞在馬頸象之故借以名耳哀公三年左傳郵
 無恤曰兩鞞將絕吾能止之外傳晉語作鞞韋昭曰鞞鞞也

皇清經解續編
說文解字柶盛膏器方言自關而西盛膏者謂之鍋鍋與柶
同史記荀卿傳炙轂過髡又作過別錄又作輶過輶亦同又
淳于髡曰豨膏棘軸所以爲滑也膏卽豨膏與豨卽豨古封
豕字

乘石謂之踐石以几者謂之乘几

夏官隸僕王行洗乘石鄭司農云王所登上車之石也詩毛
傳曰王乘車履石淮南子周公履乘石高誘注人君升車有
乘石毛鄭以周官爲王高以淮南爲君然春秋以後大夫亦
用之矣國策趙武靈謂周紹曰踐石以上皆道子之孝謂臣
也亦踐石士昏禮婦乘以几而易林曰乘几上輿駕駟南游
亦不獨婦乘几矣

登車索謂之綏副綏謂之貳綏綏謂之鞞

綏有二正綏君所執詩淑旂綏章是也貳綏僕所執曲禮奮
衣由右上取貳綏是也貳副也說文解字綏車中把也廣雅
鞞謂之綏鞞與把同綏在車左故傳毅車左銘云正位授綏
論語升車正立執綏升車亦尙左與

器第六

皇清經解續編卷二百十六終

桐城姚永槩校
善化劉鉅

皇清經解卷之二十六

皇清經解

[Blank columns]

皇清經解

皇清經解

皇清經解

皇清經解

皇清經解

皇清經解續編卷二百十七

南菁書院

羣經義證一

偃師武億虛谷著

書一

堯典第一虞書困學紀聞大傳說堯典謂之唐傳則伏氏不以是爲虞書閻伯詩按說文引五品不遜亦曰唐書其時舜典合於堯典內案三國志陸抗傳引靖譖庸回唐書攸戒今堯典文作靜言庸違是抗亦以此名唐書又爲一證

光被四表孔傳光充也案漢書引作橫被四表据春秋昭公二十一年傳樂大心禦華向于橫注梁國睢陽縣西南有橫亭今在睢陽縣西南世謂之光城蓋光橫聲相近習傳之非也水經傳引淮南子玉橫維其西北之隅注橫猶光也是光橫

皆音相近遂致傳本各異光亦作廣隸釋成陽令唐扶頌追
惟帝堯廣被之恩靈臺碑爰生聖堯名蓋世兮上受符命
帝制兮廣被之恩流荒外兮樊毅復華下民租田口算碑廣
被四表沈子琚縣竹江堰碑廣被四表三國志魏文帝紀注
廣被四表五經通義舞四夷之樂明德澤光被四表也是光
義與廣通詩敬之學有緝熙于光明傳光廣也釋名光亦言
廣也所照廣遠也

肩子朱啟明傳啟開也案史記五帝本紀作開明以避景帝諱
易之安國與太史公同時無庸舍此不諱蓋偽傳失檢自貽
其疏也

方命圮族傳言鯀性狠戾好此方名命而行事輒毀敗善類案

釋文引馬云方放也徐云鄭王音放證之史記五帝本紀引

作負命毀族正義云負違也族類也鯀性狠戾違負教命毀

敗善類不可用也夏本紀堯曰鯀爲人負命毀族不可漢書

傅喜傳放命圮族應劭曰放棄教令毀其族類朱傳傳亦云

今晏放命圮族吳越春秋無余外傳亦作負命毀族是太史

公所見爲真古文兩漢相傳皆以方爲放孟子方命虐民與注方猶近也

史記作負義同僞孔傳因文釋之又云好此方名命而行事

其說迂鑿不可訓野客叢書論尙書牴牾云尙書方命圮族蜀志晉書皆曰放命圮族殆亦究其義故

意爲之詞

否德忝帝位傳否不疏否古今不字案釋文否又音鄙從史記
讀也五帝本紀引作鄙德忝帝位釋名否鄙也義訓皆同史

記讀爲正

舜典肇十有二州傳言十有二州禹治水之後舜分冀州爲幽州并州分青州爲營州案十二州之分漢書地理志堯遭洪水襄山襄陵天下分絕爲十二州谷永傳上書云堯遭洪水之災天下分絕爲十二州吳越春秋帝堯之時遭洪水滔滔天下沈積九州闕塞四瀆壅閉故于是時因九州之迹水勢汨沒川瀆已復異位堯乃權宜置之汲郡古文初建十有二州係在帝堯八十七年其後水土旣平書復九州係在帝舜三十三年是其徵也

大禹謨髦期倦于勤案說文解字旡注目少精也从目毛聲虞書髦字从此今孔氏所傳本作耄更依文解爲八十九曰髦其未見古文此又一證

皋陶謨無教逸欲有邦傳不爲逸豫貪欲之教是有國者之常案孔氏以邦字屬句攷此當從無教逸欲爲讀有邦連下兢兢業業爲讀所謂有國者不可以不慎也後漢書陳蕃傳皋陶戒舜無教逸游可爲舉證若漢書王嘉傳臣聞咎繇戒舜曰無敖佚欲與書作教字雖小有異而屬句亦相符益稷謨懋遷有無化居案孔傳舊讀以居字絕余證之漢書食貨志引書云楙遷有無又敘贊亦云茂遷有無與史記禹本紀合蓋漢人授讀如是僞孔傳易之非也

乃粒萬邦作乂傳米食曰粒案孔氏以蒸民乃粒爲句李于岸据史記以乃粒屬下讀詳經讀攷異惟乃粒仍從僞孔傳余

證以史記乃定萬國為治粒易作定則古文為立字也詩思
文立我蒸民箋立當作粒又別本立一作粒是二字同用傳
所訓非

禹貢浮于江沱潛漢釋文本或作潛于漢非疏本或潛下有于
誤案史記夏本紀潛作涔下有于字陸孔所指或本當沿諸
此攷太史公從孔安國問故此似古文尙書有此字若屬讀
浮于江沱潛為句于漢更為句孟子號泣于身天于父母疊
兩于字以號泣貫下此疊兩于字以浮貫下義並相同舊作
潛于漢義不可曉乃大誤耳

甘誓予則孥戮汝傳古之用刑父子兄弟罪不相及今云孥戮
汝無有所赦權以脅之使勿犯案漢書王莽傳引作奴注謂
戮之以為奴也周禮司厲注引此亦作奴是古文孥為奴外
傳吳語王乃命有司大徇于軍曰謂二三子歸而不歸處而
不處進而不進退而不退身斬妻子鬻注鬻賣也蓋亦鬻之
為人奴此殆古軍令遺制傳依文釋之非

書序太康失邦昆弟五人須于洛汭釋文五子名字書傳無聞
仲康蓋其一也案竹書紀年帝啟十一年放王季子武觀于
西河十五年武觀以西河叛彭伯壽帥師征西河武觀來歸
武觀既為王季子是于仲康序次屬弟亦太康昆弟之一矣
又紀年注武觀即五觀也据外傳楚語啟有五觀注五觀啟
子太康昆弟也漢書古今人表太康啟子昆弟五人號五觀
水經注亦引此文云五觀蓋其名也又引古文尙書以為觀

地矣蓋太康弟五君之號曰五觀者也索隱引皇甫謐云號五觀是紀年稱武觀爲一人外傳及漢書諸文以五觀爲五人然皆足以補陸氏五子名字無聞之偏說

惟彼陶唐正義引韋昭云陶唐皆國名猶湯稱殷商也案書傳皆言堯以唐侯升爲天子不言封于陶唐陶唐二字或其爲地名未必如昭言也案陶唐實爲二地諸傳記悉言之詳左氏傳義證正義疑韋氏非也

仲虺困學紀聞原注以商老彭及仲隗當攷案漢書古今人表仲虺所列之次與老彭比接是仲隗卽仲虺大戴禮虞戴德篇作仲隗是其證也

咸有一德七世之廟可以觀德案呂氏春秋引商書曰五世之廟可以觀怪注廟者鬼神之所栖五世久遠故于其所觀魅物之怪異也攷高氏此註實無經據楚詞天問王逸云屈原見楚有先王之廟及公卿祠堂圖畫天地山川神靈琦瑋譎詭及古聖賢怪物行事周流罷倦休息其下仰見圖畫因書其壁呵而問之

漢樊毅修華嶽廟碑設中外館圖珍琦畫怪獸

此卽呂氏所引觀怪

之意僞書因襲此文不得其解而易爲觀德失之

書序將治亳殷東哲據漢書項羽傳洹水南殷墟上今安陽縣西有殷正義云若洹水南有殷墟或當餘王居之非盤庚也案史記殷本紀帝盤庚之時殷已都河北楊雄兗州箴盤庚北渡牧野是宅

初學記引

汲郡古文盤庚十四年自奄遷于北蒙

曰殷呂氏春秋慎大覽武王命周公旦進殷之遺老而問殷

之亡又問眾之所說民之所欲對曰欲復盤庚之政据是則盤庚宅殷實積惠政乃足閱世系人之思孔氏以殷墟非盤庚所居未詳攷也

盤庚出矢言傳矢言出正直之言案矢古誓字虞翻云然見易釋文哀公十一年左氏傳引此篇云盤庚之誥誥與誓體亦相近傳訓作正直之言昧其義矣

牧誓商王受無逸殷王受案四書釋地以史記紂既名辛則謂一人而有二名顧亭林云辛之名受以辛爲號又以受爲名至尙書古文疏證帝

乙名辛字受德紂則其號是閻氏自與釋地一人二名之解相違攷呂氏春秋當務篇其次曰受德受德乃紂也穆天子傳尹逸策曰殷末孫受德注紂字受德也立政其在受德傳

受德紂字釋文亦云受德紂字蓋受德稱其兩字之字書所言受者稱其一字之字又書正義秦誓三篇惟單言受而此云受德者則德本配受其爲一人故知受德是紂字也既受之與德其爲紂字而經或言受或言受德者呼之有單復爾其說與懸合而受不爲紂名益有徵信矣

書序作分器傳言諸侯尊卑各有分也案定公四年左氏傳分魯公以大路大旗夏后氏之璜封父之繁弱又有官司彝器分康叔以大路少帛縉棊旃旌大呂分唐叔以大路密須之鼓闕鞏姑洗卽此分器所指傳既前云昔武王克商成王定之與此序武王勝殷邦諸侯時事同宜資以爲据

大誥弗弔天降割于我家不少延傳言周道不至故天下凶害

于我家不少案此當讀如多士弗弔身天以天字句絕孔傳云天下凶害于家是以天屬下讀非也

民獻有十夫傳四國人賢者有十夫案書大傳作民儀有十夫儀獻蓋音相近禮器犧尊在西注犧周禮作獻司尊彝兩獻鄭云獻讀爲犧禮緯含文嘉義者獻也漢書王莽傳立斗獻亦音爲義至莽依周書作大誥有云民獻儀九萬夫又兼二文用之莽泥古之失也

康誥傳康圻內國名閻伯詩案孔傳以蔡圻內國名自非以康誥之康爲圻內國名卻是遠勝鄭康成解作諡號者案此僞孔傳實襲馬融王肅尙書傳云康國名在千里圻內之文愚更舉一證白虎通云管采霍成康南皆采也是以康爲食邑

較馬王以國名解者尤有據

酒誥予其殺傳擇罪重者而殺之案殺卽槩字與孟子殺三苗于三危皆爲破字許孟子義證傳曲解非也下文勿庸殺之時同于殺並同

召誥乃復入錫周公曰拜手稽首旅王若公案傳以入字隔斷爲註是入爲句絕故云召公以幣入稱成王命賜周公攷此入錫當連文史記夏本紀九江入賜大龜卽與此同是古入字爲內字召公欲顯周公因錫命而納之是其義也傳屬讀旣誤而疏遂謂出取幣復入以待王命竟真爲出入之訓是

同于瞽說已

至也蔡氏集傳弗弔未詳意其爲嘆閔之辭當時方言爾是與正義同以弗弔作句絕攷此當以弗弔身天爲句大降喪於殷另爲句節南山之詩云不弔身天正與此同傳弔至也箋云至猶善也不善乎昊天愬之也又隸續魏橫海將軍呂君碑不弔身天降茲災咎皆足舉例若尙書古文疏證引此作身天大降喪于殷連身天屬下體析未審也

無逸肆祖甲之享國三十有三年傳祖甲湯孫太甲疏引鄭元云祖甲武丁子帝甲也有兄祖庚賢武丁欲廢兄立弟祖甲以此爲不義逃于人閒故云舊爲小人案殷本紀國語說殷事云云帝甲是淫亂之主起亡殷之原蓋當與二宗齊名舉之以戒無逸武丁賢王祖庚復賢以武丁之明無容廢長立

少祖庚之賢誰所傳說武丁廢子事出何書妄造此語是負武丁而誣祖甲也案僞孔傳多襲用漢書攷韋元成傳殷太甲爲太宗太戊曰中宗武丁曰高宗周公爲母逸之戒舉殷三宗以戒成王傳所據當由此非盡襲王肅也惟康成之訓以爲祖甲與馬季長傳同蓋師承所授必古文舊說如是武丁有子孝已不得于親呂覽必已篇孝已疑注孝已殷王高宗子也後漢書鄧暉傳高宗明君吉甫賢臣及有織介放逐孝子汲郡古文武丁二十五年王子孝已卒于野鄭云武丁欲廢兄立弟蓋孝已祖庚之兄也祖甲之逃以此爲不義明證致確何言武丁廢子事出何書疏又案殷本紀帝甲淫亂殷道復衰國語帝甲亂之七代而殞不當與二宗齊名攷左

皇清經解續編
氏傳昭公六年商有亂政而作湯刑紀年祖甲二十四年重
作湯刑是祖甲賢君晚節一事之失焉能沒其大行斥之不
復齊于二宗疏意欲扶孔抑鄭其說橫暴殊爲失之
君爽弗弔天降喪于殷傳言殷道不至故天下喪亡于殷案此
當以弗弔天爲句降喪于殷爲讀猶云天弗弔也
顧命正義引漢書律麻志云成王卽位三十年三月庚戌朔十
五日甲子哉生魄卽引此顧命之文以爲成王三十年而崩
此是劉歆說也孔以甲子爲十六日則不得與歆同矣案律
麻志以十五日甲子爲讀哉生魄乃十六日爲乙丑僞孔傳
止釋始生魄爲月十六日正與劉歆說同正義誤指孔氏以
甲子爲十六日失之

康王之誥賓稱奉圭兼幣傳賓諸侯也案古文賓通作擯是奉
圭兼幣蓋擯者之辭故云稱說文贊下注臣鉉等曰執贊而
進有司贊相之卽此義

呂刑苗民弗用靈正義靈善也不用善化民而制以重刑案禮
記緇衣鄭注引作苗民弗用命靈與命二字不同說文靈兩
零也靈卽作零漢吳公碑神零有知義亦作靈零又古靈字
與令同用微樂鼎永令靈終上令字爲命下靈字爲令翼敦
銘靈終靈始據是苗民弗用靈古尙書必作令康成氏引作
命是命令爲一字令卽零省文

疏漢除肉刑除墨劓剝耳宮刑猶在近代反逆緣坐男子十五
以下不應死者皆宮之大隋開皇之初始除男子宮刑婦人

猶閉于宮漢書景帝紀元年詔言孝文皇帝除宮刑出美人重絕人之世也是文帝除宮刑之徵疏所據非

費誓臣妾通逃傳役人賤者男曰臣女曰妾正義云古人或以

婦人從軍故云臣妾通逃也案此臆說也僖二十二年傳戎

事不邇女器傳氏曰戎事尙嚴不近女子所御之物況使婦

人至軍中又示以俘馘乎此可為證見杜解補正蓋臣即禮記少

儀臣則左之之臣注謂囚虜也妾即司厲女子入于春臺注

謂奴從坐而沒入縣官者故軍興得驅使之

皇清經解續編卷二百十七終

湘陰吳宗實善化劉鐸校

皇清經解續編卷二百十八

南菁書院

羣經義證二

偃師武億虛谷著

詩

周南言秣其馬箋云願秣其馬致禮餼釋文牲腥曰飴正義云

昏禮不見用牲又鄭以時事言之或亦宜有也案聘禮飴之

以其禮上賓太牢積唯芻禾注禾以秣馬此云致禮餼者餼

猶稟也給也鄭意蓋以秣馬亦禮餼之一而陸氏泥以牲腥

曰飴孔氏又證以昏禮不見用牲皆未喻鄭旨

黍離傳尊而君之則稱皇天元氣廣大則稱昊天仁覆閔下則

稱昊天自上降鑒則稱上天疏謂此當有成文不知出何書

案困學紀聞說文引虞書曰仁覆昊下則稱昊天蓋虞書說

也王氏既證之說文又云蓋以疑之不知此爲書舊文昔人已言之大宗伯疏引尙書說云尊而君之則曰皇天元氣廣大則稱昊天仁覆愍下則稱旻天自上鑒下則稱上天據遠視之蒼蒼然則稱蒼天較詩傳更多一句此全爲書說也書說卽緯侯之書鄭志張逸問禮注曰書說書說何書也答曰尙書緯也當爲注時時在文網中嫌引祕書故諸所牽圖識皆謂之說

鄭在城闕兮傳乘城而見闕疏引釋宮云觀謂之闕孫炎曰宮門雙闕舊章懸焉使民觀之因謂之觀如爾雅之文則闕是人君宮門非城之所有且宮門觀闕不宜乘之侯望此言在城闕兮謂城之上別有高闕非宮闕也案說文闕字注古者

城闕其南方故謂之闕審是則城故有闕見于南方矣定十二年公羊傳注天子周城諸侯軒城軒城者闕南面以受過也與許氏說合鄭爲侯國其城制宜闕南方詩人目驗知之發于刺文如此故鄭箋去國亂人廢學業但好登高見於城闕以侯望爲樂不岐城闕爲二事斯義得之

齊侯我於著乎而侯我於庭乎而侯我於堂乎而疏毛以爲首章言士親迎二章言卿大夫親迎卒章言人君親迎俱是受女子堂出而至庭至著各舉其一以相互見鄭以爲三章共述人臣親迎之禮案春秋隱二年公羊傳譏始不親迎也注禮所以必親迎者所以示男先女也於廟者告本也夏后氏逆于庭殷人逆于堂周人逆于戶疏卽書傳云夏后氏逆于

廟庭殷人逆于堂周人逆于戶者是也然則詩首章云著爾
雅釋宮門屏之間謂之宁李巡曰門屏之間謂正門內兩塾
閒名宁孫炎曰門內屏外人君視朝所宁立處也著與宁音
義同案此朝正門內設屏親迎在廟亦以設屏昭十八年左
氏傳使子寬子上巡羣屏攝至于大宮國語魯廟疏屏是其
證也俟我於著卽逆于戶爲周禮俟我于庭卽逆于庭爲夏
禮俟我於堂卽逆于堂爲殷禮備陳三代典文不著當時之
失故曰溫柔敦厚詩教也

曹其儀一兮箋儀義也疏均壹在心不在威儀以儀義理通故
轉儀爲義案儀義古通用周官大司徒以儀辨等注故書儀
或爲義肆師凡國之大事治其禮儀注故書儀爲義典命掌

諸侯之五儀注故書儀作義鄭司農義讀爲儀號叔大林和
鐘旅敢啟帥刑皇考威義爲御于天子義卽儀范式碑儀問
靡述儀卽義故箋云儀義也疏轉儀爲義非

節南山案古以節字標目不與毛鄭篇題同昭公二年左氏傳
武子賦節之卒章注節詩小雅卒章取式訛爾心以畜萬邦
大東舟人之子傳舟人舟楫之人箋云舟當作周周人之子謂
周世臣之子孫案序言大東刺亂也東國困於役而傷於財
此舟人與東人西人私人爲例皆近東小國外傳鄭語禿姓
舟人則周滅之矣注禿姓彭祖之別舟人國名是也箋言舟
當作周謂周世臣之子孫義猶相近若傳謂舟楫之人望文
大生義不審厥旨矣

大明會朝清明傳會甲也不崇朝而天下清明箋會合也以天
期已至兵甲之強師率之武故今伐殷合兵以清明案屈子
天問會鼃爭盟注一作會晁請盟是朝鼃爲一字明與盟古
通用清卽請字音相近假借用之屈子引据在詩書未焚以
前蓋必隱括詩義散見于此當以甲子日朝至牧野踐膠鬲
請盟之約故申云何踐吾期斯義爲近如傳與箋皆望文解
之非實證也

綿自土沮漆傳土居也案漢書地理志杜水南入渭師古曰大
雅綿之詩曰人之初生自土漆沮齊詩作自杜言公劉避狄
而來居杜與漆沮之地又水經注武水發杜陽縣大嶺側俗
名大橫水也疑卽杜水矣是杜與沮漆攝目有三傳訓土爲

居因文解之也土杜古通用書禹貢雲土漢志作雲杜是也
皇矣與爾臨衝傳臨臨車也疏臨者居上臨下之名衝者從旁
衝突之稱故知二車不同兵書有作臨車衝車之法案韓詩
臨衝作隆衝隆訓爲大荀子彊國篇是渠衝入穴而求利也
注渠大也渠衝攻城之大車也亦訓爲高淮南王書汜論訓
公晚世之兵隆衝以攻注隆高也衝所以臨敵城衝突壞之蓋
其製爲隆其施于用爲衝與上文鈞援爲一例疏作二車名
似于古訓失之

下武應侯順德箋引易曰君子以順德正義曰定本作慎德準
約此詩上下及易宜爲順字又集註亦作順疑定本誤案易
繫詞慎斯術也釋文一本作順淮南子繆稱訓引作應侯慎

德升象詞王肅本順作慎李氏易傳同朱子云蓋古字通用也荀子成相篇慎聖人注慎讀爲順淮南子人閒訓引書五品不慎太平御覽慎作順史記魯順公世本作慎公漢書古今人表王慎卽孟子王順華陽國志順王五年張儀司馬錯伐蜀今作慎王並足爲通用之證正義疑定本誤非也

公劉于時廬旅傳廬寄也箋廬舍其實旅案廬旅古本一字廬舍之廬亦作廬桓公十三年傳羅與廬戎兩軍之釋文廬如字本或作廬文公十六年傳自廬以往振廩同食釋文廬力於反又音廬旅亦音廬尙書釋文旅如字徐音廬閔二年傳立戴公以廬于曹管子作衛人出旅于曹是旅與廬音義並同詩上下文皆用疊字不宜廬旅異詞蓋卽中田之廬自爲釋廬寄也于旅不再釋得之

寄舍而已箋云舍其實旅恐國事草創未能用備如是毛傳民勞是用大諫箋王乎我欲令女如玉然故作是詩用大諫正女案召公爲詩以冀王聽至末更言用大諫者勗王納羣言也外傳周語厲王虐國人謗王云云召公曰天子聽政使公卿至于列士獻詩瞽獻典史獻書師箴瞽賦矇誦百工諫庶人傳語近臣盡規親戚補察瞽史教誨耆艾修之而後王斟酌焉此用大諫之徵至後因以置官見於管子使鮑叔牙爲大諫呂覽勿躬篇臣不如東郭牙請置以爲大諫臣蓋其遺意也

蕩之詩覃及鬼方傳鬼方遠方也正義覃及是及遠故知鬼方

皇清經解續編 羣經義證二 五
遠方未知何方也案後漢書肅宗紀克伐鬼方開道西域西
羌傳后桀之亂猷夷入居邠岐之間成湯既興伐而攘之及
殷室中衰諸侯皆叛至于武丁征西羌鬼方三年乃克是以
鬼方在西也易緯乾鑿度高宗內理其國以得民心扶救衰
微奮伐荆楚蘇氏曰高宗伐鬼方三年克之蓋謂此與攷世
本云陸終娶于鬼方氏之妹謂之女潰是生六子其六曰季
連是爲莘姓季連者卽楚之先也詩撻彼殷武奮伐荆楚累
入其阻哀荆之旅汲郡古文云武丁三十二年伐鬼方師次
于荆是以鬼方在南也干寶云鬼北方國坎當北方故稱鬼
是又以鬼方在北也

抑維德之隅案漢劉熊碑引作維德之偶偶隅音相近史記殷
本紀帝乙無道爲偶人謂之天神索隱曰偶音寓酷吏傳匈
奴至爲偶人象鄧都索隱曰漢書作寓人皆其徵也

雲漢上帝不臨箋天不視我之精誠案臨與前後文蟲宮宗躬
屬句音不相叶蓋漢避諱凡隆多作臨是詩正文作隆義訓
爲厚言上帝不厚貶善曰如音是豈可卦臨矣與箋言如德

寧丁我躬箋云曾是我之身有此乎案丁我躬此罪己之言
天欲移災于身以已當之箋然之卦音又及如詩之每音也
崧高于邑于謝傳謝周之南國也案潛夫論炎帝苗胄或封于
申城在南陽宛北序山之北故詩云亶亶申伯王薦之事于
邑于序南國爲武與詩作謝異顧亭林云古人讀謝爲序儀
禮鄉射禮豫則鈎楹注豫讀如成周宣榭之榭周禮作序孟

子序者射也此可舉證又序山之下益徵謝地蓋以山得名
楚詞七諫荆文寤而徐亡注徐偃王國名也周宣王之舅申
伯所封也詩曰申伯番番既入于徐此亦謝有序音而轉序
爲徐然序自在南陽王氏證以彭城之徐非矣前言如神于
天作彼徂矣岐有夷之行箋後之往者又以岐邦之君有佼易
蓋之道故也案韓詩外傳引詩曰岐有夷之行以岐屬下句薛
君傳彼百姓歸文王者曰岐有易道可往歸矣與箋言岐邦
之君有佼易之道合說苑亦引作岐有夷之行並以夷行屬
岐邦黃氏曰抄謂上云彼作矣此云彼徂矣自相對今以岐
字綴徂矣之下恐驚俗蓋未證及此也人皆其遺也
泮水狄彼東南箋云狄當作剔剔治也案狄卽逃之省逃亦作

邊說文邊古文逃漢書古今人表簡邊師古曰卽簡狄也是
逃邊爲一字故箋謂狄當作剔音迭又應類其好公詩也
魯頌奚斯所作毛傳云有大夫公子奚斯者作是廟也箋云奚
斯作者教護屬功課章程也孔氏疏亦云奚斯與新廟連文
故云公子奚斯作是廟後儒相承是說者顏氏匡謬正俗文
詩魯頌云新廟奕奕奚斯所作蓋言奚斯置造此廟而王延
壽靈光殿賦云詩人之賦感物而作故奚斯頌僖歌其露寢
陳思王承露盤銘序云奚斯頌魯謂此詩爲奚斯所作既無
所據於義乖矣洪氏容齋續筆閼宮詩曰新廟奕奕奚斯所
作其辭只謂奚斯作廟義理甚明鄭氏之說亦云作姜嫄廟
也而楊子法言乃曰正考甫嘗歸尹吉甫公子奚斯晞正考

甫宋咸注以謂奚斯慕考甫而作魯頌蓋子雲失之於前而宋又成其過耳宋羅源捫虱新語引法言云云亦謂其誤已自子雲始案漢人謂奚斯作頌者殆非獨一子雲後漢書曹褒傳昔奚斯頌魯考甫詠殷又諸刻石之文度尙碑故吏感清廟之頌嘆斯父之詩斯父卽謂奚斯也太尉劉寬碑感殷魯述德之頌殷謂正考甫魯亦謂奚斯綏民校尉熊君碑昔周文公作頌宗成考父公子奚斯追羨遺蹟紀述前勳費汎碑感奚斯之義刊銘於石楊震碑慕奚斯之追術樹元石於墳道沛相楊統碑庶考斯之頌儀乃鐫石立碑曹全碑嘉慕奚斯考甫之美張遷表奚斯讚魯考父頌殷乃其刊石紀功其可推證如是不容並以相襲而誤又薛君韓詩章句云奚

斯魯公子也言其新廟奕奕然盛是詩公子奚斯所作也此蓋篇終見意亦如節南山家父作誦巷伯寺人孟子作爲此詩崧高蒸民並言吉甫作誦同爲一例以此證奚斯作詩殆非無據而如顏洪諸人偏詞有所未盡也

闕宮居岐之陽案水經注岐水逕岐山西又屈逕周城南城在岐山之陽而近西所謂居岐之陽也非直因山致名亦指水取稱矣

實始翦商傳云翦齊也箋云翦斷也案陶紫笥依爾雅釋詁翦勤也大王翦商卽王季之其勤王家耳九經古義同據考工思記鮑人注鄭司農帳讀爲翦謂以廣爲狹也是翦蓋狹小之義大王居岐土宇旣啟商地漸爲蹙隘勢所必至詩人据其

實言之何為陰謀也鄭注此書劉向傳引作釐楚來釐音相近故通用

思文貽我來牟案漢書劉向傳引作釐楚來釐音相近故通用

之儀禮少牢饋食禮來女孝孫鄭注來讀曰釐隱十有一年

左氏傳夏公會鄭伯盟於時來注時來邾也案陽縣東有釐

城

長發敷政優優案說文憂字註詩曰布政憂憂左傳成十一年

引詩曰布政優優春秋繁露循天之道篇引布政優優溧陽

長潘乾碑引布政優優魏李仲璇修孔子廟碑引布政優優

說文解字通論引布政優優攷儀禮管人布幕于寢門注今

文布作敷是布敷為古今字又說文引書敷重蔑席敷亦作

布並可取證言其疎而突突然也

皇清經解續編卷二百十八終

湘陰吳宗實
善化劉鐸校

皇清經解續編卷二百十九

南菁書院

春秋左氏傳

偃師武億虛谷著

春秋左氏傳

序左邱明受經於仲尼疏引藝文志云左邱明魯史也是言邱明為傳以其姓左故號為左氏傳也案左氏朱子謂左史倚相之後故其書說楚事為詳黃魯望極以左氏為楚人之非據汲郡古文穆王二十四年王命左史戎夫作記疑邱明為戎夫之後

諸稱書不書先書故書不言不稱書曰之類疏云諸傳之所稱是以諸稱連下讀故列敘為七者之類案杜意以諸字貫下當指稱亦為一例故有八者之目田僧紹注此序以為序言

諸稱稱亦卽是新意與下七者合爲八名證以鄭伯克段于鄆傳云稱鄭伯譏失教也田氏所指義非無據疏必以爲諸傳所稱不以稱爲新意失之泥也

隱公元年孟子卒注先夫死不得從夫諡疏不得從夫諡解其不稱惠也此言其正法耳其末世滋蔓則爲之作諡景王末崩妻稱穆后如此之類皆非禮也案蘇明允諡論婦人有諡自周景王始卽本之此疏王伯厚案魯惠公之有聲子在春秋之初愚又推之穆天子傳爲盛姬諡曰哀淑人注恭人短折曰哀此又當春秋前已失禮疏皆未及

六年傳翼九宗五正疏言五官之長者謂於殷時爲五行官長今褒寵唐叔故以其家族賜之耳案定四年正義云或以爲五官之長謂如昭二十九年蔡墨所云五行之官長也是天子之大臣非唐之遺民然姓而有五也并賜唐叔豈天子得以五行官長賜諸侯哉此疏駁或說五行之官而於隱六年疏專指爲五行官長前後違戾失勘

七年傳發幣于公卿注如今計獻詣公府卿寺疏自漢以來三公所居謂之府九卿所居謂之寺案漢御史府謂之御史大夫寺此公府亦通稱寺何並傳今駢奴還至寺門師古曰諸官曹之所通呼爲寺椽史所居亦曰寺高朕修周公禮殿記故府梓潼文君增造吏寺二百餘間史晨饗孔廟後碑國縣員冗吏無大小空府竭寺咸俾來觀更非卿所居之謂矣疏執一言之義未備也

皇清經解續編
八年傳以泰山之昉易許田疏杜依公羊之傳邑實近許故以許爲名劉君更無所馮直云別有許邑邑自名許非由近許國始名爲許以規杜氏非其義也案詩魯頌居常與許傳云常許魯南鄙西部疏蓋以許爲西部當與鄭相近光伯似據此爲規說非無據

桓三年傳芮伯萬之母芮姜疏閔元年晉獻公滅魏芮則不知誰滅之案史記秦本紀繆公二十年秦滅梁芮則滅芮者繆公也

五年冬州公如曹疏引鄭康成王制注周世有爵尊而國小爵卑而國大者言爵尊國小蓋指此州公虞公也案虞是克商始封非爲殷之餘國鄭元之言不可通于此矣案周書王會

篇唐公虞公在焉此虞卽殷之餘國而疏執封虞仲之孫以訾鄭氏非也杜氏通典制非二王之後列國諸侯其爵無至公者春秋有虞公州公或因殷之舊爵或嘗爲天子之官子孫因其號耳卽本鄭義亦可舉證

六年傳丁卯子同生以太子之禮舉之接以太牢注以禮接夫人重適也杜解補正引傳氏曰以太牢之禮接見太子案內則國君世子生告於君接以太牢注接讀爲捷捷勝也謂食其母使補虛強氣也杜解本此故云以禮接夫人

十一年經宋人執鄭祭仲注祭氏仲名左傳補註案世本載姓氏皆先字後名此與孔父嘉一例則仲字足名確然無疑案世本於姓氏亦不盡先字後名史記周本紀子公非立索隱

云世本作公非辟方皇甫謐云公非字辟方也又集解引系本云亞圍雲都皇甫謐云雲都亞圍字此二說皆先名而後字但此稱祭仲則仲為字無疑惠氏所據是也

經九月宋人執鄭祭仲注祭氏仲名不稱行人聽迫脅以逐君罪之也疏引劉光伯云祭仲本非行人未知有何所據案公羊傳祭仲將往省于留塗出于宋則仲以國人而視其境何行人之有此即劉氏所據

君次于郊郢以禦四邑注君謂屈瑕也疏云謂屈瑕為君者楚僭王號縣令稱公故呼卿為君大夫正法當呼為主案襄二十五年傳鄭子產對晉士莊伯曰成公播蕩又我之自入君所知也晉亦何嘗僭號而大夫亦謂之曰君蓋君為通稱鄭

注儀禮喪服天子諸侯及卿大夫士有地者皆曰君是也疏據楚之僭王為義非

十五年經天王使家父來求車案士冠禮注周大夫有嘉甫疏證以天王使嘉甫來求車嘉與家字異音同或鄭氏所據古本如是

十八年經公會齊侯於濼注濼水在濟南歷城縣西北入濟會南豐齊州二堂記云濟水自王莽時不能被河南而濼水之所入者清河也預蓋失之案閻百詩論濟水引後漢郡國志曰濟水王莽時大旱遂枯絕者此初絕也鄭注濟水條曰其後水流逕通津渠勢改杜注春秋郭注爾雅並云今濟水至博昌入海者此復通也然則杜氏當晉時蓋目驗濟水復通

曾氏遂指爲預之失非也

莊公六年經冬齊人來歸衛俘注公羊穀梁經傳皆言衛寶此

傳亦言寶唯此經言俘疑經誤俘囚也疏案說文保從人采

省聲今說文保養也古文保不省然則古字通用寶或保字

與俘相似故誤作俘耳杜旣以爲誤而又解俘爲囚是其不

敢正決故且從之案疏所言保與寶取古字通用說文案藏

也從山禾聲禾古文保周書曰陳宋赤刀今書案作寶又漢

隸字源李氏鏡銘明如日月世之保以保爲寶此其證也若

匡謬正俗案爾疋云俘取也書序云遂伐三腹俘厥寶玉然

則所取於衛之寶玉而來獻之經傳相會義無或爽豈必俘

卽是人孔平仲雜說獻俘不獨人也物皆可以爲俘俘取也

昭十八年傳鄭曰余俘邑也是邑亦可言俘又不獨物爲然

此數解足破杜氏兩岐之說

十九年傳鬻拳葬諸夕室注夕室地名案楚子之卒宜反葬於

國今鬻拳葬之者權厝也卒在六月爲今之四月南方氣燠

慮洩其臭鬻拳是用浮土淺壇以俟嗣君迎葬註夕室證之

晏子春秋有夕室之文又下文公曰先君太公立宮何爲夕

對曰以今之夕者周之建國國之西方以尊周也然則此夕

室卽室名權厝故宜於室及拳自殺葬於經皇經與室同宜

十四年傳屨及于室皇呂覽注引作經皇是也室古通作室

故經皇亦室之皇以殉君死示不相離

僖四年東至于海西至于河南至于穆陵北至于無棣注穆陵

無棣皆齊境也案水經注清河又東北無棣溝出焉下引京相璠曰舊說無棣在遼西孤竹縣案如舊說無棣在遼西孤竹則于齊封竟太遠爾雅觚竹北戶西王母日下謂之四荒當太公始封豈能以四荒命賜河海穆陵皆附在密邇何獨無棣曠絕至此舊說悠謬失考之甚矣齊地記無棣在渤海高城縣義爲近之史記索隱無棣在遼西孤竹服虔以爲太公受封境界所至不然也蓋言其征伐所至之域然此四履之所明言封竟索隱亦曲說也

昭王南征而不復注昭王成王之孫南巡狩涉漢船壞而溺案呂氏春秋季夏紀云周昭王親將征荆蠻辛餘靡長且多力爲王右還反涉漢梁敗王及祭公隕于漢中汲郡古文十九

年祭公辛伯從王伐楚天大曠雉免皆震喪六師于漢並與左氏南征義同而注獨謂之巡狩蓋因史記周本紀昭王南巡狩不返卒于江上之文也

昭王南征而不復正義曰呂氏春秋季夏紀云周昭王親將征荆蠻辛餘靡長且多力爲王右還反涉漢梁敗王及祭公隕于漢中辛餘靡振王北濟反振祭公高誘註引此傳云昭王之不復君其問諸水濱由此言之昭王爲沒于漢振王爲虛誠如高誘之注又稱梁敗復非船壞舊說皆言漢濱之人以膠膠船故得水而壞昭王溺焉不知本出何書案正義云梁敗復非船壞蓋誤認梁與船爲二攷詩大明云造舟爲梁李巡曰比其舟而渡曰造舟孫炎曰造舟比舟爲梁也然則造

舟者比船于水加板于上卽今之浮橋故杜預云造舟爲梁則河橋之謂也又方言船舟謂之浮梁當時必以船爲橋船旣膠散則橋亦敗矣舊說與呂氏各據其實言之義並得通五年號仲虢叔王季之穆也注仲叔皆虢君字疏據傳云鄭滅一號晉滅一號不知誰是仲後誰是叔後案隱元年傳制嚴邑也虢叔死焉注虢叔東虢君焉則鄭所滅者叔後晉所滅者當卽仲後

勳在王室藏於盟府注盟府司盟之官案襄十一年傳夫賞國之典也藏在盟府注司盟之府明此注官字爲誤又周官司勳大功司勳藏其貳注功書藏於天府然則盟府卽天府異名與

十二年君子曰管氏之世祀也宜哉注管仲之後於齊沒不復見傳亦舉其無驗正義邱明之意假稱君子論管氏應合世祀也宜哉而遂不世祀子孫絕滅是行善無驗故杜註云傳亦舉其無驗是也案史記管晏列傳鮑叔旣進管仲以身下之子孫世祿於齊有封邑者十餘世常爲名大夫索隱引世本云莊仲山產敬仲夷吾夷吾產武子鳴鳴產桓子啟方啟方產成子孺孺產莊子盧盧產悼子其夷其夷產襄子武武產景子耐涉耐涉產微凡十代此卽傳世祀實證也又成十一年傳有齊管子奚世族譜以爲雜人按管氏在齊不聞有兩族杜氏曲說蓋欲隱護其非也哀十六年傳稱楚白公殺齊管修修在楚尙爲賢大夫管氏世祀何必在齊始驗新序

皇清經解續編
楚恭王世亦有管蘇管氏在楚世有令人矣路史敬仲相齊
公伯卒於齊其耳孫修適楚爲陰大夫漢史南陽世奉仲祭
號相君有陰氏陰嵩與東觀漢記載陰氏世奉管仲之祀於
邑謂之相君子合見藝文類聚然則仲之世祀至漢猶然孰謂爲
善無驗耶

正義引世族譜管氏出自周穆王案廣韻管姓出平原周文王
子管叔之後是管叔在穆王之前子孫後以封邑爲氏則管
實出自周文王與譜異

子魚言於宋公曰文王聞崇德亂而伐之軍三旬而不降退修
教而復伐之因壘而降釋文云一本作而復伐之伐衍字也
案陸氏所據本與唐石經及今本異但以伐爲衍字亦非杜

注云復往攻之備不改前而崇自服則杜氏在晉初古本已
有伐字故釋作復往攻之又襄三十一年傳文王伐崇再駕
而降爲臣傳文旣云再駕明有復伐之事故杜于註云退修
教而復伐之因壘而降亦卽本之此傳再證以後漢書伏湛
傳湛上疏引詩曰帝謂文王詢爾仇方同爾弟兄以爾鈞援
與爾臨衝以伐崇墉旣乃申其意云崇國城守先退後伐蓋
云先退與左氏退修教合下言後伐與復伐之亦合此伏湛
約舉傳文而爲此言是東漢之初傳本又有伐字詩皇矣正
義引作退修教而復伐之後漢書注引作退修政而復伐之
當時諸儒所依本並有伐字不審陸氏何據乃謂伐衍字也
遂取焦夷注焦今譙縣也案焦譙古通用字隸釋譙敏碑云爲

焦慙之後故傳作焦注作今譙縣是也

曹其公聞其駢脅欲觀其裸浴薄而觀之案外傳晉語重耳過曹聞其駢脅欲觀其狀止其舍謀其將浴設微薄而觀之注微薄也薄迫也與此合韓非子十過晉公子重耳出亡過於曹曹君袒裼而觀之是言曹君袒爲不敬矣莊子人間訓曹君欲見其駢脅使之袒而捕魚呂氏春秋上德篇曹其公視其駢脅使袒而捕池魚過爲媿瀆於事不經殆非雅聞也

二十四年晉侯求之不獲以縣上爲之田杜解補正之推旣隱求之不得未幾而死乃以田祿其子爾楚詞九章云思久故之親身兮因縞素而哭之明文公在時之推已死史記則云聞其入縣上山中於是環縣上山中而封之以爲介推田號

曰介山然則受此田者何人乎於義有所不通案此虛封也
不必有人受之外傳越語環會稽三百里者以爲范蠡地曰後世子孫有敢侵蠡之地者使無終沒於越國皇天后土四鄉地主正之亦在蠡旣去之後而市此以爲名當時文公亦猶是也顧氏必謂以田祿其子孫未得譎者之情矣

鄭子華之弟子臧出奔宋好聚鷓冠杜註聚鷓羽以爲冠非法之服匡謬正俗引逸禮記曰知天文者冠鷓蓋以子臧是子華之弟以兄見殺怨而出奔有白公之志故與知天文者遊聚有所圖議是以鄭伯恐其反國作亂令誘殺之案顏氏誤會聚字非屬子臧自冠是與下文服之不衷竟相牴牾矣鷓字本有術音逸周書云知天文者冠述述與術通蔡邕獨斷

謂爲術氏冠輿服志術氏冠前圓吳制差池邈迤四重趙武靈王好服之注淮南子曰楚莊王所復仇冠者攷楚莊與趙武靈王皆雄畧不世出之主其志在興復往往見諸服御今子臧以兄見殺或欲冠此以示不忘是所云聚者以鵠羽無多哀以爲飾而顏氏乃謂子臧與羣術士聚蓋曲說也戰國策蘇秦曰蚌鷸相持蓋亦有健鬪之意與怒蛙相等者故製冠取其意豈盡以知天將雨便與知天文適宜乎

二十五年昔趙衰以壺飧從徑餒而弗食案劉光伯改徑爲經

史記高祖本紀夜徑大澤中索隱曰徑舊音經下屬杜氏訓經猶行上屬攷韓非子

晉文公出亡箕鄭挈壺飧而從迷而失道饑而道泣寢餓而不能食及文公反國曰輕忍饑餒之患而必全壺飧是將不

以原叛乃舉以爲原令此卽趙衰事誤記爲箕鄭爾然云挈壺飧而從則從字已句絕矣劉氏所據當本此又云以迷而失道替徑字是徑當如字卽由徑之謂也自爲一讀餒而弗食又爲一讀

載在盟府太師職之注太公爲太師兼主司盟之官案師當作史聲之誤也周官太史凡邦國都鄙及萬民之有約劑者藏焉注約劑要盟之載詞及券書也蓋周之定制以太史主藏載書又大司寇凡邦之大盟約蒞其盟書而登之于天府太史內史司會及六官皆受其貳而藏之則太史與他官分藏以擬相勘當者周書嘗麥解太史乃藏之于盟府以爲歲典荀子春秋薰隧之盟太史書名皆可据證今傳本皆作太師

蓋如禮記太史陳詩以觀民風尚書大傳作太師相沿致訛

李習之韓文公行狀云王武俊而杜氏依文曲說味其實也

贈太師呼太史者燕趙人語也

二十七年鞭七人貫三人耳疏耳助句也案軍刑有以矢貫耳

耳非助句墨子號令篇從淫之法其罪射務色謾出淫囂不

靜當路尼眾舍事後就路踰時不盜其罪射無敢有樂器弊

騏軍中有則其罪射非有司之令無敢有車馳人趨有則其

罪射無敢散牛馬軍中有則其罪射飲食不時其罪射無敢

歌哭于軍中有則其罪射

注云射謂貫耳 耿說文解字云軍法以矢

貫耳也從耳從矢司馬法曰小罪朕中罪肘大罪剄

戴氏六書故載此文下引楚子玉治兵毋三人耳實之 漢書原涉傳諸豪則曰原巨先奴犯法

不得使肉袒自縛箭貫耳詣廷門謝辜於君威亦足矣後漢

書楊政傳范升嘗為出婦所告坐繫獄政適肉袒以箭貫耳

抱升子潛伏道旁是其徵也

二十八年晉師入曹數之以其不用僖負羈而乘軒者三百人

也且曰獻狀註言其無德居位者多故責其功狀匡謬正俗

三云獻狀言今我之來獻駢脅容狀耳斯蓋嗤美之言猶言若

云謂秦拜賜之師也左傳補注云其義亦通案外傳晉語重

耳過曹聞其駢脅欲觀其狀又文公誅觀狀以伐鄭然則此

獻狀云者所謂反唇稽之更與小顏添此一證

距躍三百曲踊三百案百伯陌古皆通用管子四時篇正千伯

注千伯即阡陌也董仲舒云富者田連仞伯過秦論起仞伯

之中漢書食貨志開仞伯並以伯為陌然則三百即三陌也

杜解補正引邵氏曰百音陌猶阡陌之陌也三陌蓋躍踊之
 度大約有此深得其旨晉云宮音田與音田與音田與音田與
 三十年狄閒晉之有鄭虞也疏閒閒廁之間案閒當作閒謀之
 閒成二十年傳狄人閒宋之盟以侵晉疏閒宋閒廁之間襄
 四年傳楚人使頓閒陳而侵伐之疏閒陳閒廁之間其誤皆
 與此同

三十三年且使遽告於鄭注遽傳車疏釋言云驛遽傳也孫炎
 曰傳車驛馬也案呂氏春秋悔過篇鄭賈人弦高奚施將西
 市於周道遇秦師曰嘻師所從來者遠矣此必襲鄭遽使奚
 施歸告外傳晉語遽人來告注遽傳也蓋當日弦高行賈自使其同人疾馳
 而告呂氏春秋貴因篇武王曰嘻遽告太公注遽疾即其義

杜解謂傳車非也

鄭之有原圃猶秦之有具圃也注原圃具圃皆圃名疏云中牟

縣西有圃田澤則原圃地名以其地為圃知與具圃皆圃名

也案淮南子秦之陽紆注在馮翊池陽一名具圃是具圃漢

人作具圃初學紀引此傳亦作具圃案詩車攻東有甫草韓

詩作圃草圃圃字義皆通用

文選東都賦注引作圃草辭君曰圃博也有博大茂草也

鄉師而哭案書秦誓正義公羊傳說此事云匹馬隻輪無反者

左傳稱秦伯嚮師而哭則師亦少有還者攷師為帥字轉寫

訛也史記秦本紀既言大破秦軍無一人得脫者又言三將

至繆公素服郊迎嚮三人哭則三人舊為三帥左氏古本亦

作嚮帥而哭太史公欲人易曉少異其文此可以微會不必

如孔氏附合少有還者爲此曲解也其文此何以爲會不
 至孫公素烈彼既謂三人哭與三人言也三語古月古本亦
 謂出史而素本疏謂言大劫秦軍無一人言欲言又言三語
 古辭謂秦自勝而哭與謂亦少言欲言而欲言字聲
 激而哭者善秦誓五善公羊傳謂此等云四語皆神然以香
 精於固草團固字善言也
 人卦其圖也與此也其圖亦卦其圖與善言也
 出素華南子素之圖與此也其圖亦卦其圖與善言也
 善言也其圖與此也其圖亦卦其圖與善言也
 善言也其圖與此也其圖亦卦其圖與善言也

皇清經解續編卷二百十九終



湘陰吳宗實校
 善化劉鐸

